



Presidente di Parlamento, Gerlien Croes: No por inicia proceso di tratamiento di presupuesto sin Nota di Contestacion di gobierno



Pagina 2

- **Bon Dia Aruba
ta alerta contra
scam usando
number y logo di
Aruba Today**

Pagina 3

- **Saba: Medidanan
pa control di
especie invasivo
ta sigui**

Pagina 9

- **A descubri un
segundo tipo di
gripe aviar den
baca lechera**


Pagina 7

AZV: Cambio di ley pa cubri remedi di pensionadonan ta den proceso



Pagina 3

Merca ta confisca avion di presidente Venezolano na Rep. Dominicana durante bishita di Rubio



Pagina 10

Centenares di hende muhe viola y kima despues cu rebeldenan a cende prison na Goma na candela



Pagina 14

Banco Central di Aruba ta lansa encuesta tocante e status bancario y comportacion di pago

Pa amplia su conocemento riba e aspecto di pagonan relata na inclusion financiero na Aruba, Banco Central di Aruba (BCA) lo tene un encuesta digital tocante e status bancario y comportacion di pago for di 4 di Februari 2025 te cu 25 di Februari 2025.

E meta di e encuesta aki ta pa evalua e grado cu cuentanan bancario ta prevalece bao di residentenan na Aruba, explora e motibonan pa tin of no tin un cuenta bancario na un banco comercial local y compara e comportacion di pago di individuonan cu y sin cuenta bancario.

E informacion obteni lo asis-

ti BCA pa haya bista riba e grado di acceso na cuentanan bancario, identifica gruponan cu posiblemente ta exclui y haya mas informacion riba obstaculonan pa acceso na un banco. BCA lo analisa con individuonan cu y sin cuenta bancario ta mancha nan finanzas, cu por revela tendencianan y preferencianan importante. Adicionalmente, e informacion aki lo yuda formula maneho pa reduci bareranan y mehora acceso na servicionan di pago.

E encuesta ta estrictamente anonimo y tur informacion obteni lo ta clasifica como confidencial y uza solamente pa metanan estadistico y pa maneho.

BCA ta encurasha tur residente di Aruba cu tin 18 aña of mas, pa completa e encuesta aki. Pa por participa, bishita e website di BCA www.cba-ruba.org, pagina di Instagram 'Centrale Bank van Aruba' y e pagina di Facebook 'Aruba su Florin'. Tambe por scan e QR code of click riba e link di e encuesta <https://www.surveymonkey.com/r/BankingStatusesPaymentBehaviors> pa haya acceso directo na e encuesta. Si tin cualkier pregunta adicional, por fabor tuma contacto cu e Departamento di Sistemanan di Pago di BCA via email payment.systems.department@cba-ruba.org.



Presidente di Parlamento, Gerlien Croes:

No por inicia proceso di tratamiento di presupuesto sin Nota di Contestacion di gobierno

Recientemente, Colegio di Supervision Financiero (CAft) a publica un carta dirigi na presidente di parlamento di Aruba, Sra. Gerlien Croes, tocante e tardansa den proceso di presupuesto 2025. Segun presidente di parlamento a informa mediante un comunicado di prensa, motibo di e atraso ta cu Gobierno no a manda un Nota di Contestacion riba e presupuesto na Parlamento.



Manera Bon Dia Aruba a reporta e siman aki, presidente di Colegio di Supervision Financiero, Lidewijde Ongerling a resalta e hecho cu no a aproba presupuesto 2025 den Parlamento, y ta adverti riba e consecuencianan fiscal y legal di esaki.

"Ley Temporal di Supervision Financiero di Aruba (LAft) ta stipula cu Aruba mester entrega e presupuesto aproba pa e proximo aña fiscal na e Colegio di Supervision Financiero (CAft) pa conseho prome cu dia 15 di december. Esaki ta sigura cu un presupuesto legalmente valido ta na vigor for di dia 1 di januari," Ongerling ta menciona den e carta. Sinembargo, e ta nota cu te fecha di e carta, 3i di januari, CAft no a ricibi e presupuesto aproba pa 2025. E carta ta nota cu segun Artículo 13, paragraf 1 di LAft, a informa Consejo di Minister di Reino di e asunto aki.

"Ausencia di un presupuesto aproba no ta afecta solamente e autoridad presupuestario di Parlamento, pero tambe por tin consecuencianan financiero mas amplio, manera restriccion riba drenta den compromisonan financiero nobo. Esaki ta preocupante, ya cu Aruba no lo por haci prestamonan nobo mientras ta enfrente un obligacion di pago di un debe di aproximadamente Afl. 600 milyon na 2025," Ongerling ta adverti.

"Adicionalmente, dia 1 di januari 2025, sin intervencion parlamentario, a implementa un cambio mayor den impuesto riba entrada y salario (resultando den un perdida estructural di entrada di Afl. 50 milyon)," e carta ta menciona, notando cu Aruba tin "suficiente capacidad pa implementa un medida asina."

Sinembargo, ta nota cu pa

por garantiza un proceso presupuestario bon organisa, ta preferible pa entrega e implicacionnan financiero di e cambio aki na Parlamento mediante un Nota di Amienda. "Minister di Finanzas y Cultura a indica cu ta tumando stapnan pa atende e asunto como parti di e discusion di presupuesto den Parlamento.

"Den e contexto aki, CAft ta resalta un gap potencial den legislacion cu por mina politica fiscal sostenible. Cambionan di politica cu impacto financiero, tanto den termino di entrada como gasto, mester keda aproba pa Parlamento di antemano.

"E marco legal aki ya ta regula e proceso di aprobacion pa compromisonan di gasto. CAft ta conseha pa evalua con e rekisito aki tambe por ta hancra den legislacion pa cambionan di politica cu tin

consecuencia financiero riba entrada. Esaki ta un problema structural y ta independiente di e discusion di presupuesto 2025.

"Den añanan recién, Aruba a tuma stapnan significante pa mehora su proceso presupuestario. Ta crucial pa continua e progreso aki y sigura un proceso presupuestario ordena. E formacion di un gobierno nobo no mester causa retraso," e carta ta conseha.

Ademas, ta nota cu unabes cu aproba e presupuesto, "e gobierno nobo por implementa e consecuencianan financiero di su prioridadnan di politica a traves di e prome presupuesto complementario." Pa finalisa, CAft ta indica cu ta considera cu ta "esencial pa e presupuesto keda aproba lo mas pronto posible, pero no mas laat cu dia 21 di maart 2025, y ta urgi Parlamento pa duna prioridad na su discusion."

sion."

Reaccion di presidente di parlamento

Bon Dia Aruba a tuma contacto cu presidente di Parlamento, Gerlien Croes, pa pidi comentario riba e carta di CAft. Mediante un comunicado di prensa, Croes a contesta lo siguiente: "Pa medio di e comunicado aki, Presidente di Parlamento ta informa cu dialuna dia 3 di februari 2025, Presidente di Parlamento a dirigi un carta na Gobierno di Aruba y cu un copia na e Colegio di Supervision Financiero CAft cu e recordatorio na Gobierno di Aruba cu e Nota di Contestacion (Nota naar aanleiding van het Verslag) riba e presupuesto 2025 no a wordo ricibi ainda na Parlamento di Aruba. Sin e nota aki e proceso di tratamiento di e ley REGARDANDO presupuesto di pais Aruba pa aña 2025 no por wordo inicia."



AZV: Cambio di ley pa cubri remedi di pensionadonan ta den proceso

December ultimo minister demisionario di Salud, Dangui Oduber, a anuncia cu entrante 1 di februari 2025 pensionadonan di Aruba lo no mester paga mas pa nan remedi. Segun informacion cu ta circula riba rednan social, esaki no ta e caso. Ya ta 7 di februari y ainda e cambio aki no a drenta na vigor.

For di aña 2004 AZV a introduci un lista di remedi a base di conseho di Advies Commissie Geneesmiddelenlijst AZV (AGA), e lista aki ta bisa na e dunadonan di cuido cua remedinan AZV ta cubri (lista positivo) y cua remedinan AZV no ta cubri.

Na aña 2021 y 2022 AZV a adapta e lista positivo di remedi. Ultimo adaptacion a drenta na vigor dia 1 di october 2022 conforme e Decreto Nacional di dia 13 di juli 2022. Esaki tabata resultado di e asina yama “5 Wave model” cu a keda diseña pa cumpli cu e peticion den reduccion di gastonan di AZV cu 60 miyon florin pa aña.

E lista di remedi di AZV a conoce tres cambio importante e momento ey. E tres cambionan aki tabata: un grupo di remedi cu ya no ta wordo produci ta keda elimina di e lista, y esaki no tabatin efecto pa e aseguradonan; Remedinan cu por ser cumpra den botica sin receta di dokter, manera por ehempel Paracetamol y Dica, ta keda saca di e lista y e asegurado mes lo tin cu paga esaki. E remedinan aki ta ser yama “OTC” (Over The Counter); Cierta remedinan ta keda cubri solamente ora ta cumpli cu e criteria estableci. Asegurado cu malesanan cronico ta keda ricibi nan remedi. Solamente si resulta cu no ta cumpli na e criterionan estableci, e ora e asegurado lo mester paga pa e remedi aki.

Den un entrevista di december 2022 cu Bon Dia Aruba, director di AZV, Edwin Jacobs a elabora un poco mas riba e topico di lista positivo di remedi, especificamente ora ta trata pashentnan cu malesa cronico cu nan remedi no ta ser cubri mas.

Jacobs a señala cu tur remedi cu ta riba e lista positivo ta wordo cubri pa AZV. Si e remedi no ta riba lista positivo, e unico forma cu por wordo cubri ta den loka nan ta yama e lista di “criteria”. Esey ta nifica cu pa e pashent por haya



remedi, mester cumpli cu cierto criteria.

“Esaki ta un otro sistema, algun di remedinan cu a wordo saca for di e lista positivo a pasa bay riba e lista di criteria. Esaki basicamente pa uso cronico tanten cu no ta remedinan cu ta over de counter – esey ta remedinan cu nos no ta cubri mas. Ora un persona ta yega na Botica bay den reki y pikie”, el a bisa.

Tambe tin remedinan di uso temporal cu tampoco ta wordo cubri. Jacobs a haci un apelacion na tur persona cu tin duda tocante su remedinan pa tuma contacto cu AZV mes. “Nos a constata cu den e dos luna aki di implementacion di esaki cu tabatin kehonan. Nos ta monitor riba social media cu ora un persona tin un reclamo, nos ta tuma contacto cune pa wak kico ta su situacion. Tambe nos a constata cu esaki ta un cambio den bo sistema di prescribi y no ta tur dokter di cas ainda ta dominando e forma di prescribi totalmente”, Jacobs a indica.

Tambe el a trece dilanti cu nan a haya casonan unda e persona cu ta sufrir di malesa cronico, cu tin derecho di haya su remedinan, ora e dokter a prescribi e mester a skirbi “CG”, cu ta nifica chronische gebruik of uso cronico, y algun dokter no ta haciendo esey. E ora ey pashentnan tin cu paga nan remedinan debi na esaki.

E cambio di lista positivo di remedi y AZV a afecta un parti grandi di poblacion, y hasta pensionadonan, cu na hopi ocasion mester a keda sin bebe nan remedi pa motibo cu nan no tin manera pa

paga esakinan.

Teniendo esaki na cuenta den luna di juni aña pasa parlamentario Raymond Kamperveen a entrega un mocion pa asina adultonan mayor por ricibi na remedinan sin mester paga pa nan. E mocion aki a ser aproba.

Mediante un comunicado di 17 di december minister Oduber a anuncia cu a aproba e cambio di ley pa asina cubri e remedinan di pensionadonan y cu entrante 1 di februari pensionadonan no lo mester paga pa haya nan remedi mas.

El a splica cu prome cu a tuma e decision aki, mester pidi conseho pa wak si e cambio aki tabata posibel. E conseho aki a dura algun luna prome cu e mandatario a ricibi esaki y despues cu a ricibi e conseho gobierno a cay y bira demisionario. Esey a pone cu mester a busca un conseho huridico si un decision asina ta ser considera un “lopende zaak”. E conseho aki a drenta prome cu eleccion y a tuma e decision basa riba resultado financiero di 2024 y proyeccion pa 2025.

Segun minister Oduber a indica e cifranan aki tabata di suma importancia pasobra e decision ta un compromiso structural ya cu ora cu cuminsa cu e cobertura, e pago mensual pa remedi di e pensionadonan ta bira un gasto continuo.

A pesar cu a anuncia cu e cambio aki lo drenta na vigor dia 1 di februari, segun informacion cu tabata circula esaki no ta e caso y ainda e cambio di ley no a tuma luga.



Bon Dia Aruba a tuma contacto cu director di AZV, Edwin Jacobs, pa puntra si esaki ta corecto y si tin un motibo pakico e cambio di ley ainda no a drenta na vigor.

Sin duna mucho detaye, Jacobs a indica cu “e formalisacion di e decision ta den proceso.”

Durante atardi ayera, AZV

a manda un comunicado di prensa riba e topico, bisando: “UO AZV a ricibi e decision y a inicia e evaluacion tecnico pa ehecurion di esaki. Solamente cu e proceso aki ta tumando mucho mas tempo cu a premira inicialmente. Ta calcula cu e finalisacion di e parti tecnico lo tuma minimo 1 luna mas y maximo 2. Nos ta pidi nos disculpa pa e inconveniencia aki.”

Bon Dia Aruba ta alerta contra scam usando number y logo di Aruba Today

Recientemente riba rednan social Facebook y Instagram por a nota cu ta circulando screenshots di algun aviso (ads) cu ta parece di bin for di nos corant na Ingles, Aruba Today. E noticia riba e ads/screenshot ta completamente falso y no ta bin for di Aruba Today.

Mientras tanto, nos ta pidi comunidad keda alerta y no click riba ningun link asocia cu e ads aki. Pa contenido veridico, por bay directamente riba nos pagina di Facebook @ArubaTodayNews of nos website arubatoday.com.

Aruba Today ta investigando hunto cu autoridadnan e posible fuente di e campaña di desinformacion aki, pa loka ta importante pa no comparti screenshot of e links di e ads.

Danki pa boso comprension.



Raad van Advies a presenta plan di accion cu recomendacionnan pa reorganizacion di gobierno

Recientemente Raad van Advies a publica su relato anual di aña 2024. Den esaki e Consejo ta enfatisa cu ta fundamental pa reevalua e tarea di gobierno y ta presenta un plan di accion pa logra e meta aki cu ta consisti di diferente paso y recomendacion pa logra esaki.

Prome paso den e plan di accion cu Raad van Advies ta presenta nan ta indica cu mester determina si algo ta un tarea di gobierno, (re)defini tarea gubernamental y e interes publico.

E Consejo ta splica cu den e Landspakket ta para cu lo tin un analisis integra di e compania semi-gubernamental y entidad gubernamental pa evalua si nan ta legitimo pa un participacion publico (nan ta sirbi e interes publico?), efectivo (nan ta logra nan obhetivo?) y eficiente (analisis di gasto/beneficio y factibilidad). Nan ta indica cu basa riba e resultadonan di e analisis aki, lo desaroya y implementa propuestanan pa mehora e calidad, efectividad y capacidad di e organizacion gubernamental.

E analisis aki mester resulta den propuestanan pa elimina, combina of reorganisa diferente servicionan y/of entidadnan. E Consejo ta indica cu e analisis a tuma luga, pero e resultadonan ainda no ta publica, ni ta cla kico gobierno ta haci cu nan.

Raad van Advies ta recomenda pa usa e evaluacion di e tarea gubernamental como punto di partida. Pa e tareanan cu ya no ta ser considera como un tarea di gobierno, ta mas logico pa gobierno no tin e responsabilidad ey mas, y ta mas logico tambe e ora pa stop of pasa e tarea aki na un otro entidad.

Siguiente paso cu Raad van Advies ta delinea den su plan di accion ta pa determina kico ta e miho manera pa e gobierno realisa e tareanan. Si algo ta reconoci como un tarea di gobierno, no ta nifica cu gobierno mes mester realisa e tarea. E Consejo ta remarca cu ta necesario pa determina di nobo kico ta e miho manera pa realisa e tarea aki.

E pregunta cu e Consejo ta destaca ta si gobierno mes mester realisa e tarea of si ta miho pa laga esaki den man di un otro entidad (publico of priva). Pa por tuma e decision, Raad van Advies ta señala cu mester tene diferente criterio den consideracion, manera bon gobernacion (principionan di ley), husticia social (proteha grupo mas debil), efectividad y eficiencia, y sostenibilidad.

Esaki mester inclui tambe ki relacion ta desea cu e minister encarga. E Consejo ta remarca cu mester determina si ta desea un influencia grandi di e minister den e realizacion di e tareanan, si tur accion mester ta controla of



si e entidad mester tin un cierto grado di independencia.

Raad van Advies ta subraya cu e podernan ministerial mester ta proporcional cu e responsabilidadnan di un ministro. Un ministerio cu hopi responsabilidad no ta keda bon cu un forma di organizacion priva cu tin un direccion autonomo, manera un fundacion. E consejo ta indica cu mester busca efectividad y eficiencia maximo den e realizacion di e tarea, di manera cu e gastonan pa empresa- y individuanan ta keda minimisa.

E Consejo ta agrega cu tambe mester tene cuenta cu proteccion di e interes publico, transparencia y responsabilidad social, nivel di participacion den formacion di politica, estructura di gobernacion y supervision (mescos cu den caso di subsidio).

Raad van Advies ta enfatisa cu pa no limita hopi e posibilidad di control democratico, mester cuida cu e tarea publico no ta entrega na entidadnan independiente sin e debido supervision.

Di tres paso cu Raad van Advies ta presenta den su plan di accion ta indica ta pa determina kico ta e miho manera pa realisa un tarea externamente. Nan ta indica cu si ta cla cu un cierto tarea no mester ser realisa directamente pa e gobierno, e siguiente paso ta determina kico ta e miho forma di ehecucion y si despues por wak na e posibilidad di externalisacion di e tarea.

E Consejo ta splica cu den e evaluacion di e manera cu e tareanan publico por ser realisa externamente, mester tene cuenta cu mester garantisa e interes publico cu ta den wega, asumi responsabilidad social y politico, cu ta inclui e grado di influencia gubernamental den formacion di politica, gobernacion y estructura di supervision.

Raad van Advies ta subraya cu ta necesario pa sigura cu e ehecucion, supervision y control ta tuma luga di un manera efectivo y eficiente.

Raad van Advies ta splica cu si a base di e evaluacion aki, ta dicidi pa independisa, haci e tarea mas autonomo, mester determina cuanto independisacion ta deseabel. E Consejo ta menciona cu por ehempel, e tarea por ser pasa na un entidad publico existente, un organo autonomo administrativo (cu of sin personalidad huridico), un NV di gobierno, of un fundacion subsidia.

Den e contexto aki, e Consejo ta remarca, ta importante pa evalua cuanto influencia politico y administrativo lo tin riba e tarea, con vital e tarea ta pa interes publico, cuanto responsabilidad tin pa garantisa e interes publico, e nivel di influencia di gobierno riba e tarea, y e importancia di e tarea publico cu e entidad independiente ta realisa.

Raad van Advies ta enfatisa cu pa garantisa e interes publico, mester pone reglanan formal cu ta stipula den ley, contrato of sistema concesion. Reglanan cla ta esencial pa por haci control riba nan aplicacion.

Pa e independisacion tuma luga di un manera organisa, e Consejo ta recomenda pa dispone un plan di accion cla, cu ta inclui recomendacionnan di e Comision-Sint y posiblemente di e punto di referencia Hulandes pa fundacionnan. E plan aki por duna claridad si independisacion ta necesario y den ki forma legal e lo ta miho.

Apart di e pasonan anteriormente menciona, Raad van Advies ta recomienda pa haci cierto mehoracion structural pa logra mas claridad y eficiencia; combati fragmentacion den sistema di subsidio; traha un politica y regulacion harmonisa pa subsidio; establece un ordenansa nobo di subsidio; duna apoyo na consolidacion, escalacion y profesionalisacion di instancianan cu ta depende di subsidio.

Raad van Advies a recomenda repetidamente pa forma politicanan cla y standard pa NV's di gobierno y entidadnan cu ta realisa tareanan publico. Nan ta subraya cu e intencion ta mehora integridad, efectividad y calidad di organizacion.



Den e marco general aki, Raad van Advies ta indica, pais Aruba mester formula un politica cla pa su posicion como accionista den NV di gobierno, basa riba e siguiente punto di partida: uno, Limita su envolvimento den operacion di e compania pa delinea e liñanan grandi di e politica cu mester ser hiba a traves di un strategia of plan di politica; dos, miembronan di e direccion i organo di supervision mester cumpli cu criterio estricto riba experiencia y conocimiento pa garantisa un direccion di calidad; tres, e organo di supervision mester controla regularmente si e politica ta den liña cu e strategia- y plannan di politica, y informa accionistanan; cuater, e organo di supervision mester garantisa continuidad, efectividad y eficiencia den operacion di e compania, cu consideracion pa tur stakeholders.

Como referencia pa un politica general di participacion, Raad van Advies ta indica cu e Nota Deelnemingenbeleid Rijksoverheid 2013 di Hulanda por sirbi como modelo.

E Consejo ta resalta cu ta necesario pa e accionista y directiva di e entidadnan publico establece un acuerdo cla riba indicadornan financiero y economico cu cada entidad mester sigui. Nan ta indica cu si e NV's di gobierno ainda no a haci esaki, nan mester formula un politica specifico pa dividendo y reservanan.

E Consejo ta señala cu siguiendo e modelo di e Jaarverslag Beheer Staatsdeelnemingen di Hulanda, lo ta deseabel pa encarga un rapport anual riba participacion pa ser manda na Parlamento.

Por ultimo, Raad van Advies ta recomienda pa examina si tin posibilidad di cooperacion cu otro pais den Reino Hulandes via un acuerdo interinsular basa riba Artículo 38 di e Statuut. Especialmente den caso di independisacion di cierto tareanan cu tin un interes comun, comparti conocimiento y experiencia por no solamente reduci gasto, si no tambe mehora calidad y eficiencia.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Awe formadornan ta bay presenta cerca Gobernador cu expectativa di un Gabinete nobo

Ayera durante dia a circula informacion den tur medio di comunicacion local cu e formadornan di gobierno, Sr. Mike Eman di AVP y Sra. Gerlien Croes di Futuro, a logra yega na otro y ta cla pa presenta un propuesta di Gabinete nobo y un plan di gobernacion.

Mientras cu no tin confirmacion riba e detayenan, ni si en

berdad e partidonan a logra yega na otro, loke si ta confirma ta cu e dos formador lo

presenta cerca Gobernador di Aruba, Su Excelencia Alfonso Boekhoudt, pa un reunion.



Expectativa ta haltu despues cu e proceso di formacion a dura mas largo cu loke hopi a spera, pero lo mester warda un tiki mas pa informacion concreto y oficial riba e posible gabinete nobo. Keda pendiente riba pagina di Facebook di Bon Dia Aruba, facebook.com/BonDiaNoticia.

Potret ta di archivo.

DIP: "Gobierno a percursa pa crea mas espacio di beach pa comunidad"

Departamento di Infraestructura y Planificacion, mediante un comunicado di prensa, ta desea di informa comunidad di Aruba ariba un punto importante cu tin basta pregunta riba dje, esta e proyecto di St. Regis Hotel.

Segun e relato di DIP, e tereno unda e St. Regis Hotel ta construi, originalmente ta parti di un tereno, propiedad (eigendom), desde epoca colonial. Na 2006, e parcela a wordo converti den erfpacht y dun'e den erfpacht bao condicion cu ora e hotel wordo construi, mester rediseña e parke pa publico riba e parcela na banda, manera den relato y manera e figura ta ilustra.

Pues a pesar cu e tereno tabata eigendom y despues a wordo converti den erfpacht, gobierno a percursa pa crea mas espacio di beach pa comunidad por medio di e

parke na banda cu a wordo rediseña, segun DIP a splica. "Pa informa comunidad correctamente, e pilon blauw ta demarca e limite di e tereno," DIP a bisa. "Manera ya menciona, e embeyecemento di e parke, segun e otorgamento di e tereno na 2006, tabata un obligacion. Esaki a wordo concretisa den un acuerdo, cu e construccion di e strandpolitie, y baño nan pa zwemles. Esakinan lo wordo reconstrui na otro sitio den e parke manera ta ilustra den e figura."

Segun DIP, esaki ta parti di un plan mas amplio di gobierno pa crea mas espacio riba beach, y tambe pa ofrece mas espacio pa e publico local considerando limite di e tereno disponibel. E ehecucion di e parke y e realocacion di e edificio nan ta den pleno proceso. Pues gobierno a percursa pa crea mas espacio di beach pa comunidad. "E comunicado ta



duna informacion veridico y transparente pa mantene e comunidad debidamente informa," DIP ta menciona.

"Resumiendo, e tereno unda St. Regis ta ubica desde e pi-

lon blauw riba figura adjunto, ta riba nan tereno. Parti di beach cu tabata eigendom a wordo usa pa forma e parcela, y na otro banda a percursa pa crea mas espacio pa beach pa publico."

ELMAR: No claba penchi bao tera riba ruta di carnaval pa evita riesgo di electrocucion

ELMAR ta recorda e comunidad di Aruba, y particularmente e personanan cu haya kavel den e area di Vondellaan, L.G. Smith Baolevard y riba ruta di carnaval na San Nicolas, pa evita di claba staca of penchi den acera of tereno publico.

Den hopi parti di Aruba, tin un infraestructura electrico bao tera cu ta inclui kabelnan di 60 kiloVolt, esencial pa suministro continuo di coriente na cas y negoshinan.

Claba staca of penchi den tera sin e informacion necesario ta crea un riesgo electrico real y significativo di wordo electrocuta, tanto pa esnan cu ta

ehecuta e accion como pa esnan den e area. ELMAR a ricibi alerta cu tin persona cu ta claba staca y penchi den acera of tereno

publico sin considera e mapa di e kabelnan, aumentando e posibilidad di situacion peligroso. Pa preveni risiconan innecesario, nos ta recomenda persona cu haya kavel pa opta pa solucionnan alternativo, manera saconan di santo, peso, of piedra, en bes di bora den tera pa hancra.

Danki pa e comprension y cooperacion. ELMAR ta desea henter Aruba un temporada di Carnaval dushi, sano y sigur. Den ritmo di tumba, sinti e energia!



Corte di Apelacion ta posibilita apelacion contra veredictonan di Colegio di Apelacion di Aruba

Den su veredicto di 28 di november 2024, Corte di Apelacion a husga cu Colegio di Apelacion (College van Beroep – CvB) di Aruba den casonan di seguridad social no ta un corte independiente y imparcial segun e definicion di articulo 6 di e Tratado pa Proteccion di Derechonan Humano y Libertadnan Fundamental (EVRM). P'esey, desde awor, Corte di Apelacion ta considera su mes autorisa pa tuma nota di apelacionnan contra veredictonan di CvB.

Den cinco ordenanza nacional cu ta trata e topico di seguridad social, a stipula cu por apela desicionnan di Banco di Seguro Social (Sociale Verzekeringsbank – SVb) na CvB.

Tambe a stipula cu CvB ta e prome y unico instancia cu ta tuma decision tocante di e apelacion. Esaki ta significa



cu segun e cinco ordenanza nacional, no por apela e veredictonan di CvB. Ta trata di seguro di biehes, seguronan di viuda y huerfano, seguro di accidente, seguro di malesa y cesantia.

Corte di Apelacion ta husga cu no por califica CvB como corte independiente y im-

parcial, pasobra den e regulacionnan existente no ta garantisa suficientemente e independencia ni e imparcialidad.

Den e diferente ordenanza nacional y e decretonan nacional correspondiente a stipula cu CvB ta consisti di tres miembro nombra pa

Minister, esta un presidente cu ta hurista, un miembro di circulan di empleado y un miembro di circulan di dunador di trabao.

Sin embargo, e Minister autorisa pa e nombramentonan aki mes ta responsabel pa e ordenanzanan nacional y nan implementacion pa SVb.

Ademas, e ordenanzanan nacional no ta prescribi cu e presidente mester ta miembro di e poder hudicial.

Tambe a stipula cu e nombramento di e presidente ta temporal, y cu eventual renombramento ta depende di e mesun Minister. Ademas, e mesun Minister por duna e presidente retiro pa motibo di mal conducta of inmoralidad, of den caso di descuido reitera den e desempeño di e funcion. Esakinan ta criterionan inherentemente vago, y p'esey nan ta vulnerabel.

Pa resolve e contrariedad cu articulo 6 di EVRM, Corte di Apelacion ta busca coneccion cu e ordenanzanan nacional existente den mayor medida posibel. P'esey, desde awor, Corte di Apelacion ta considera su mes autorisa pa tuma nota di apelacionnan presenta pa interesadonan contra veredictonan di CvB.

Ministerio Publico ta informa:

Preventief fouilleren Carnaval 71

Ministerio Publico y Cuerpo Policial di Aruba ta informa cu polis lo controla preventivamente pa detecta posesion di arma di candela durante un total di siete actividad di Carnaval.

Na San Nicolas lo controla preventivamente riba Jouvert Morning (15 di februari) y durante Parada di Mucha (23

di februari), Parada di Luz (27 y 28 di februari) y Parada Grandi (prome di maart).

Na Oranjestad, lo controla preventivamente durante Carnaval di Mucha (16 di februari), Lighting Parade (22 y 23 di februari) y Parada Grandi (2 di maart).

Den cuadro di e accion polis ta autoriza pa para personanan y controla nan na nan

paña, pa pidi hende pa habritas y paki y pa ristra den esakinan, y pa ristra den autonan y otro vehiculonan riba posesion ilegal di arma di candela

Polis a wordo autorisa dor di huez-comisario, riba peticion di Ministerio Publico.

Riba Jouvert (San Nicolas):
15 di februari 2025 di 03.00 or te 12.30 or.

Durante Parada di Mucha na San Nicolas:
23 di februari 2025 di 13.00 or te 18.30 or.

Durante Parada di Luz na



San Nicolas:
27 di februari 2025 di 20.00 or te 28 di februari 2025 te 02.30 or.

Durante Parada Grandi na San Nicolas:
Prome di maart 2025 di 11.00 or te 19.30 or.

Durante Parada di Mucha na Oranjestad:
16 di februari 2025 di 13.00

or te 18.30 or.

Durante Lighting Parade na Oranjestad:
22 di februari 2025 te 23 di februari 2024 di 20.00 or te 03.30 or.

Durante Parada Grandi na Oranjestad:
2 di maart 2025 di 11.00 or te 19.30 or.



You are invited to a

Tai Chi Open House

Saturday, February 8, 2025
Time: 8:00am - 11:30am



LOCATION: BOULEVARD EVENTS ARUBA
(across Ling & Sons)

We will be serving Chinese Snacks and Tea

For more information please call 594-8440

Relax and come join our Beginners Tai Chi Classes

The beginners' classes are designed to introduce the fundamentals of Tai Chi, a gentle ancient practice that not only improves physical health but also helps to cultivate a calm and focused mind.

Don't know if Tai Chi is something for you? Come

join our introduction meeting on Saturday February 8. We will explain the purpose and benefits of Tai Chi. You will also get the chance to learn the first Tai Chi moves. For Free! Please come dressed in comfortable loose clothing with sneakers. The meeting will be held at Boulevard Event Aruba from 8 am to 10

am. Address: Schotlandstraat 45, Oranjestad, Aruba (across Ling & Sons).

The spring classes start on Saturday the 15th of february 2025 and will be held every Saturday from 9 am to 10 am at Colegio Bon Bini (entrance Weststraat).

A descubri un segundo tipo di gripe aviar den baca lechera

(AP)—Baca lechera na Nevada a ser infecta cu un tipo nobo di gripe aviar cu ta diferente for di e version cu a plama den rebaño Mericano desde aña pasa, segun oficialnan di e Departamento di Agricultura Mericano a bisa diaranson.

E deteccion ta indica cu forman distinto di e virus conoci como Tipo A H5N1 a plama for di parhanan salvahe pa rebaño al menos dos biaha. Expertonan a bisa cu esaki a causa preguntanan nobo tocante plamamento mas amplio y e dificultad di controla infeccionnan den animal y hende cu ta traha cu nan.

“Semper mi a pensa cu transmision di parha pa baca ta un evento hopi incomun. Ta parce cu esaki no ta e caso,” segun Richard Webby, un experto di influenza na St. Jude Children’s Research Hospital.

Un version di e virus H5N1 di gripe aviar conoci como B3.13 a ser confirma na maart aña pasa despues di ser introduci na animalnan criadero fin di 2023, cientificonan a bisa. El a infecta mas di 950 rebaño den 16 estado. E version nobo, conoci como D1.1, a ser confirma den animalnan criadero na Nevada diabierna siman pasa, segun e USDA. Esaki a ser detecta den lechi colecta como parti



di un programa di monitor lansa na december. “Awor nos sa pakico ta hopi importante pa test y sigui test,” segun Angela Rasmussen, un experto di virus na University of Saskatchewan na Canada, ken a yuda identifica e prome plamamento. E version di D1.1 di e virus tabata e tipo conecta cu e prome morto Mericano di gripe aviar y un enfermedad severo na Canada. Un persona na Louisiana a fayece

luna pasa despues di desaroya sintomanan respiratorio severo despues di contacto cu parhanan salvahe den cura. Na Columbia Britanico, un mucha muher adolescente a ser hospitalisa pa varios luna cu un virus conecta cu galiña.

Al menos 67 hende na Merca a ser infecta cu gripe aviar, mayoria di nan trahando cu animalnan lechera of criadero, segun CDC. Oficialnan di e USDA a bisa cu e publica

secuencianan genetico y otro informacion tocante e forma nobo di e virus pa un repositorio publico mas despues den siman. Cientificonan a bisa cu esaki lo ta clave pa compronde si e plamamento tabata un evento recien of si e virus tin tempo ta circulando.

“Ta resulta cu e ta algo cu a crusa den animalnan criadero un par luna pasa, un par luna ta basta tempo sin ser detecta,” segun Michael Worobey, un biologo evolucionario na University of Arizona ken a studia e virus H5N1 den animalnan criadero. El a agrega cu ta importante pa oficialnan federal comparti informacion rapidamente tocante un virus cu tin e potencial pa causa un pandemia cu lo “haci COVID parce manera un enfermedad leve.”

Hulanda: NSC ta pusha pa adelanta prohibicion riba benta di sigaria pafu di tabaqueranan

(NLTimes)—Un propuesta pa partido NSC y varios partido den oposicion pa prohibi benta di tabaco pa tur tienda cu excepcion di tabaqueranan a resulta den critica pisa di e partido gobernante pa su partnernan den coalicion. VVD, en particular, ta extremamente rabia. Parlamentario Judith Thielen ta kere cu e posicion di miembro di NSC Daniëlle Jansen ta “un señal hopi cla cu gobierno dependiente y con gobernacion no ta bon mannan cu NSC.”

Den e debate riba puntonan di benta di tabaco, Jansen a propone pa adelanta e aña den cual bentanan di tabaco lo ser bendi solamente den tiendanan specialisa. E gabinete a indica cu esaki por ser haci mas trempan. Jansen a yam’e un “stap logico” pa sigura cu produccionan di nicotina ser bendi solamente pa tiendanan specialista cuminsando 2028. Pa esaki, el a entrega un propuesta cu GroenLinks-PvdA, CDA y ChristenUnie.

Esey a causa indignacion for di Jansen su partnernan den coalicion, ken a atak’e den e debate. Parlamentario di PVV, Patrick Crijns, a nota e Carta di Derecho Fundamental di Union Europeo. E ta stipula e libertad di empresario “den acuerdo cu ley di Union y legislacion- y practicanan nacional.” Crijns: “NSC ta para



pa bon gobernacion y ta tene e constitucion den alta estima. Kico a pasa?”

Segun parlamentario di VVD, Thielen, NSC ta kibrando acuerdonan haci cu empresarionan. Parlamentario di BBB, Henk Vermeer, tambe no a bisa nada bon tocante e propuesta di Jansen. El a yam’e “increíblemente ingenua” y a nota e posibilidad di compra sigaria den exterior.

Pa Jansen, otro interes ta pesa mas, el a conta su partnernan den coalicion. “E salud di nos hobennan ta bin prome.” NSC no ta contento pa mantene na e fecha “cueste lo que cueste” ora “bo mira mas hoben cuminsa huma.” El a yam’e su “mision” pa convence e otro partidonan.

E oposicion tambe a nota cu partidonan den coalicion tabata atrobe diametricamente oponi di otro. Parlamentario di SP, Sarah Dobbe, a cuestiona si NSC ta sinti na su gusta ainda den e coalicion. Parlamentario di CDA, Harmen Krul, a compara Jansen cu “Tom Thumb,” ken ta para su so contra tur otro partido.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET, BO TA RICIBI 1 LOTTO 5 LOCO EXTRA COMPLETAMENTE GRATIS. Ariba E MESUN TICKET. MAS BO CUMpra, MAS TICKET LOCO GRATIS BO LO RICIBI!

CAMPAÑA TA VALIDO TE CU 28 DI FEBRUARI

Dies polis a reporta conducta sexual inapropia durante un proyecto di polis pa hende vulnerabel

(Nu.nl) – Sigur dies agente muher a reporta conducta sexual inapropia serio durante un proyecto pa agente cu PTSS na Rotterdam. Polis ta investigando e declaracionnan.

“Nos no sa e cantidad exacto”, un vocero di polis a bisa na NU.nl despues di noticia anterior di AD. “Nos a ricibi señal for di sindicatonan y nos ta trahando hunto den un investigacion.”

Loke a sosode den e proyecto na Rotterdam ainda no ta cla. E ta referi na Blauwe Haven, un proyecto di polis pa agente cu ‘posttraumatische stressstoornis’ (PTSS). Den e investigacion interno a papia tocante conducta sexual inapropia, pero poco hende a

presenta un declaracion desde cu e investigacion a cuminsa na september.

“Nos tin declaracion skirbi y tambe algun denuncia, pero hopi agente tin nan motibo pa no haci esaki,” segun e vocero.

Polis ta purba, hunto cu organisacionnan manera Nederlandse Politiebond y ACP, pa motiva agentenan pa haci un denuncia. “Nan mester sinti nan suficientemente comodo pa por haci un declaracion.”

E echo cu e problema a sosode durante Blauwe Haven ta haci e situacion mas sensitivo, pasobra e proyecto ta pa agente cu PTSS y sintoma di ‘burn-out’. E tabata destina pa ta un lugar safe pa e grupo



vulnerabel aki por recupera.

ACP a bisa cu nan ta reconoce e storianan y cu nan mes a ricibi varios rapport. “Nos ta trahando cerca cu otro sindicatonan y polis” segun un vocero di e sindicato. “Bo

kier crea un clima sigur. Ta realmente grave loke a sosode.”

Desde cu e investigacion a cuminsa, segun AD, tin critica ariba con e ta ser maneha. Miedo ta surgi entre e victi-

manan. Dos lider di e proyecto a ser poni como ‘non-actief’, pero lo mester tin mas hende involvi. Tambe ta sali cu e investigacion ta enfoca ariba e dos personanan aki, loke ta causa cu victimanan tin miedo cu un denuncia por afecta nan carera como polis.

Polis a dicidi pa permiti declaracion anonimo den interes di e investigacion. “Esaki ta e prome paso,” segun e vocero di polis. “Nos kier haya un bista lo mas completo posibel, pero tin hopi desbentaha cu ta bin cu anonimidad.”

Pa e motibo aki, sindicatonan y polis ta spera cu eventualmente mas agente lo haci denuncia y haci esaki cu nan propio number.

Hulanda lo mester paga miyones si e arte horta na Assen no ser haya

(Nu.nl) – Hulanda mester paga 5,8 miyon euro si e obhetonan di arte Rumano cu a ser horta for di Drents Museum no ser haya back. E ministerio di Enseñansa, Cultura y Ciencia a confirma esaki despues di noticia di RTV Drenthe. E seguro di e museo no tin di paga nada.

Na Hulanda, e gobierno ta sirbi como garantia pa gran parti di daño y robo di obhetonan di arte presta den museonan Hulandes. E garantia aki ta yuda museonan paga menos premie na seguro, locual ta haci e posibel pa organisa exhibicion tempo-



rario costoso.

Aña pasa, e gobierno a sirbi como garantia pa casi 460 miyon euro na obhetonan di arte cu tabata ser presta na diestres museo.

Si e obhetonan horta ta ser

haya back cu daño, e ministerio di Enseñansa, Cultura y Ciencia tambe ta responsabel pa e gastonan di e daño.

Polis ta sigui cu e investigacion di e robo di arte y ta

buscando e piesanan. Nan a detene tres persona caba y ta buscando un di cuater sospechoso.

Tension diplomatico cu Rumania

Ladronnan a drenta Drents Museum dia 25 di januari cu e yudansa di un explosivo. Varios bentana a kibra durante e acto. Nan a horta cuater obheto di oro valioso, incluyendo e cabes di Cotofenesti for di siglo cinco prome Cristo.

E museo tabata prestando e obhetonan for di e Museo Historico Nacional Rumano na Boekarest. Nan tabata par-

ti di un exhibicion tocante e Daciërs, un pueblo cu tabata biba mas di dos mil aña pasa den e area cu nos conoce awe como Rumania. E Daciërs tabata famoso pa nan oro.

Aparte di e daño financiero cu e robo di arte por causa, e tambe por tin un impacto diplomatico. “Mescos cu tur Rumano, mi ta rabia,” asina e prome minister Rumano Marcel Ciolacu a bisa den un declaracion. “Mi ta kere fuertemente cu nos no por acepta esaki.” Ciolacu a bisa cu Hulanda ta totalmente responsabel pa e robo.

Problema di capacidad cu e sistema di riool na Corsou

(Curaco.nu) – E cantidad di keho tocante e sistema di riool tapa na Corsou ta sigui aumenta. Pa motibo di un falta di contractornan disponibel y ekipo specialisa, e solucion pa e problema aki ta tumando mas tempo cu normal. Gobierno a indica cu nan ta trahando ariba un solucion structural y ta purbando di atrae mas contratista pa por soluciona e situacion mas liher.

E sistema di riool na Corsou ta transporta awa sushi di cas pa instalacion di purificacion na Kleinhofje y Klein Kwartier. Mayoria di e barionan abou di maneho di gobierno ta conecta na e sistema aki,



mientras cu hopi cas particular ta depende di un beerput.

Dienst Openbare Werken (DOW) ta responsabel pa

mantene e sistema di riool publico y pa tuma cargo di e kehonan ora e sistema pega. Gobierno ta sigui busca manera pa mehora e capaci-

dad di mantencion pa preveni mas problema den futuro.

Espera mas largo

Den algun caso, un pegamento di e sistema por ser resolvi den un dia, pero pa motibo di falta di contratista, e proceso aki ta tuma mas tempo cu normal. Awor, tin solamente un contratista cu un vehiculo special pa soluciona e problema, loke ta causa retraso. DOW ta buscando manera pa atrae mas contratista pa asina reduci e tempo di warda.

Ademas, algun bario, manera Emmastad, Julianadorp, y Schelpwijk, tin un sistema di riool bieu, loke ta rekeri inversionnan adicional pa realisa un solucion duradero.

DOW ta pidi e pueblo pa ta responsabel cu e sistema di riool. Un di e causanan principal di riool pega ta e tiramento di wipes den toilet. Diferente cu papel di WC, wipes no ta disolve den awa, loke ta complica e mantencion y ta pega e sistema.



Saba: Medidanan pa control di especie invasivo ta sigui

(Saint Martin News Network) - Como parti di e medidanan continua di e Entidad Publico pa mitiga erosion, aumenta salud di e vegetacion di e isla, y proteha biodiversidad nativo, un mision di control di especie invasivo ta tumando lugar pa dos luna. E proyecto ta enfoca ariba e eliminacion di cabrito liber, pero e tambe ta ataca otro especie invasivo, incluyendo yuwana no nativo y pushi feral. E Entidad Publico di Saba ta trahando hunto cu Saba Conservation Foundation (SCF) ariba e iniciativan aki. Actualmente, SCF ta trahando un mapa cu e tamaño y comportacion di e poblacion di cabrito y pushi cu camara, y ta trahando ariba un programa



di eliminacion di djaca cu lo tuma lugar na mesun momento cu e eliminacion di pushi feral.

Desde e comienso di e proyecto na 2020, e isla ta wak un reduccion cu un estima di mas cu 90% di ganado los ariba e isla. E recuperacion di vegetacion ta birando mas visibel, cu yerba, mata, y palonan creciendo, hasta den

algun area cu anteriormente no tabata tin mucho ta crece. E mision actual ta pa sigui reduci e poblacion, cu e meta final di beneficia biodiversidad nativo y controla erosion na Saba. E meta di e proyecto ta elimina tur cabrito liber. Esaki ta necesario pa sigura cu e problema di 'overgrazing' no bin di nobo atraves di reproduccion di e animalnan. Cu e cantidad abou di e cabritonan liber, tecnica specialisa ta necesario pa localisa e resto. Un tecnica comun den control di especie invasivo ta e uso di "animalnan Judas".

E metodo aki ta specifico y e tecnica mas efectivo disponible. Cabrito los ta ser capta, sterilisa, haya un banchi di tracking y despues ta laga nan los atrobe pa asina por haya e resto di cabritonan. Como cu cabrito ta bestia social, ta

spera cu e cabritonan Judas lo bay na unda e otro cabritonan ta. Pa medio di e banchi di tracking y drones cu sensor di calor, e ekipo por sigui e locacion di e cabritonan Judas y determina cuanto cabrito tin cerca. E informacion aki lo mehora e eficiencia di e caceronan di cabrito. E animalnan Judas lo keda ariba e isla pa e duracion di e proyecto y tambe algun tempo despues pa determina si tur cabrito a ser encontra. Esaki kiermen cu e Entidad Publico lo haci uso di animalnan Judas pa por lo menos 2 aña.

Otro metodo lo ser usa pa elimina yuwana, pushi y djaca. Actualmente, un experto ta trahando un mapa di e presencia di yuwana no nativo. Esaki nan ta haci regularmente, ya cu solamente yuwana adulto no nativo por ser diferencia di e poblacion nativa. Afortunadamente, e poblacion di yuwana no nativo ta chikito. Esaki kiermen cu un metodo specifico por tuma lugar. Yuwananan no nativo ta un menasa pa biodiversidad na Saba, esta cu nan por introduci enfermedadnan y parasito na e isla, y nan por bira mas grandi y pone mas webo cu e Saba Black Iguana, asina ganando tereno y poco poco superando e poblacion nativa.

E eliminacion di pushi lo ta enfoca na lugarnan di e red-billed tropic birds, caminda nan ta pone un peliger significativo pa e poblacion. Ademas, pushinan lo ser elimina for di areanan cu un concentracion halto di pushi feral, manera e area di St. John's, cu ta un hotspot conoci. Pa lugarnan cerca di area habita, e publico lo ser informa di antemano. Esaki lo permiti pa doñonan di pushi domestico wanta nan mascota paden. E proceso di eliminacion ta envolvi captura y eutanasia humanitario. Cada pushi capta lo ta scanned pa sigura cu no ta eutanasia pushi domestico pa eror. Na mes momento, SCF lo cuminsa un proyecto pa elimina djaca cu veneno cu ta específicamente afecta djaca y no otro bestia.

Cu e esfuersonan aki, PES ta sigui traha pa reduci presion di especie invasivo, cu tin un impacto enorme ariba Saba su paisahe y biodiversidad. Iniciativanan adicional como parti di e Nature and Environmental Policy Plan, ta inclui reforestacion, y restauracion di coral cu e meta di facilita recuperacion general di naturalesa y restauracion di biodiversidad, tambe e uso sostenibel di recurso natural na Saba.

Hulanda: Empleado di ASML deteni a tene contacto cu servicio di inteligencia Ruso, segun fiscal



(NLTimes)—E ex-empleado di ASML cu a ser deteni algun luna pasa riba sospecho di horta secretonan comercial tabata den contacto cu servicio di inteligencia Ruso SVR, segun Nieuwsuur a reporta a base di un rapport oficial for di e servicio di inteligencia AIVD pa OM. E homber, mientras e tabata kedando den Hulanda, a tene contacto cu un empleado di SVR, OM a bisa durante un audiencia pro-forma contra e ex-empleado ayera.

Na comienso di december, Nieuwsuur a reporta cu un ingeniero Ruso cu a traha na ASML y NXP a ser deteni na Hulanda riba sospecho di horta secretonan comercial y viola sancion. Den corte ayera, OM a revela cu e homber supuestamente a horta manualnan y otro documentonan digital y a comparti esakinan cu un contacto

na Rusia via Google Drive. Segun OM, e contacto na Rusia ta traha pa e Centro di Ingenieria Innovativo Ruso, cual ta financia proyectonan pa obtene tecnologia den exterior. E compania tin otro companianan Ruso grandi como cliente, incluyendo companianan di azeta Gazprom y Rosneft y e fabricantenan di arma Rostec.

OM ta kere cu e sospechoso a tuma data pa Rusia su mes usando un USB sticks. Investigacion a muestra cu el a haci varios biahe sospechoso pa Moscu. E homber ainda ta den custodia na Hulanda, wardando su huicio. Apesar di e hecho cu e ta solamente un sospechoso ainda, minister di Asilo, Marjolein Faber, a impone un prohibicion di entrada di 20 aña riba dje. Esey ta pasa solamente ora un persona ta presenta como un menasa pa seguridad nacional.



TRABOU DI MANTENCION DEN TRANSFORMATORSHUIS NA DAKOTA
Interupcion di Coriente

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 13 di februari 2025
8:30 AM te cu 3:30 PM

Den vecindario di:

- Apelsinastraat
- Avenida E.J. Watty Vos
- Bereheinstraat
- Camaristraat
- Cantaloupestraat (un parti)
- Cumana (un parti)
- Figostraat (un parti)
- Macubaristraat (un parti)
- Mamonicastraat (un parti)
- Maracastraat
- Maripampoenstraat
- Mispelstraat (un parti)
- Pampoenstraat
- Scopapelstraat
- Sorsacastraat (un parti)
- Tangerinestraat

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.


ELMAR

Merca ta confisca avion di presidente Venezolano na Rep. Dominicana durante bishita di Rubio

(AP) — **Administracion di Trump** ayera a confisca un di dos avion perteneciendo na gobierno di presidente Venezolano, Nicolas Maduro, cu ta actualmente na Republica Dominicana.

Secretario di Estado Mericano, Marco Rubio a observa mientras oficialnan Mericano a pone e orden di confiscamento riba e avion durante un bishita na Santo Domingo, e ultimo parada di su tour di cinco nacion na Latino America.

Ehecuta e orden di confiscamento a rekeri pa Rubio firma un waiver riba un freeze cu presidente Donald Trump a impone riba ayudo exterior pa paga mas di \$230mil den tarifa y mantencion, segun un documento di Departamento di Estado obteni pa AP. Tambe a rekeri aprobacion di Departamento Mericano di Husticia.

E avion ta un Dassault Falcon 200 cu a ser usa pa Maduro y su aliadonan top, incluyendo su vice-presidente y minister di Defensa, pa biaha rond mundo, incluyendo bishita na Grecia, Turkia, Rusia y Cuba, den loke Washington



ta bisa ta violacion di sancionnan Mericano, Departamento di Estado a bisa.

E confiscamento di e avion ta yega apenas un siman despues cu enviado di presidente Donald Trump pa misionnan special, Richard Grenell, a bishita Caracas y a reuni cu Maduro pa discuti e repatriacion di ciudadanonan Venezolano cu a drenta Merca ilegalmente. Grenell a bolbe cu seis Mericano cu tabata

detenido na Venezuela.

Merca a confisca otro avion di Maduro na Republica Dominicana na september 2024. E tempo ey, Departamento di Husticia Mericano a bisa cu socionan di Maduro na fin di 2022 y comienso di 2023 a usa un compania falso basa den Caribe pa sconde nan involucramento den compra di e avion – un Dassault Falcon 900EX balora na \$13 miyon – for di un compania

na Florida.

Relaciona cu e prome parada di Rubio durante su biahe, el a bisa ayera cu e tabata “no confundi” tocante e status di un acuerdo riba eliminacion di tarifa pa avion di guerra Mericano transita Canal di Panama y a compronde cu prome, Panama mester sigui un proceso local pa tuma e stap. “Nan ta un gobierno eligi democraticamente. Nan tin regla. Nan tin ley. Nan ta

bay sigui nan proceso,” el a bisa.

Esaki ta yega despues cu Departamento di Estado Mericano a bisa diaranson riba X cu e Panameñonan a bay di acuerdo pa elimina e tarifa.

Presidente Panameño, Jose Raul Mulino despues a rechasa esaki, bisando diahuebs cu el a bisa Secretario di Defensa, Pete Hegseth un dia prome cu e no por impone e tarifa pa transita e canal ni duna un excension pa niun hende riba nan, y cu e tabata sorprendi pa e declaracion di Departamento di Estado sugeriendo algo otro.

E tarifanan tabata un enfoke di kehonan di presidente Donald Trump tocante e canal, cual el a menasa di tuma back for di Panama, a menos cu Panama limita severamente e influencia di China den e area. Mirando cu Merca tin un obligacion den tratado pa protege e Canal, Rubio a bisa: “Mi ta hay’e absurdo cu nos mester paga tarifa pa transita un zona cu nos tin obligacion di protege den tempo di conflicto.”

Trinidad y Tobago: Segun prome minister gobierno no tabatin nada di haber cu detencion di Comisario di Polis Erla Harewood-Christopher

(TrinidadExpress) — **Prome minister Dr. Keith Rowley a bisa ayera cu tabata “malvado y perhudicial” pa cualkier miembro di Parlamento of cualkier persona cu tin conocimiento pa sugeri cu gobierno tabata involvi den e investigacion y aresto di Comisario di Polis Erla Harewood-Christopher.**

Camara di Representantenan unanimamente a aproba e nominacionnan di Junior Benjamin como Comisario interino di Polis y Curt Simon como Subcomisario interino di Polis.

Liderando e mocion pa aproba e nominacion, e prome minister a bisa: “Pa loke ta trata e investigacion, e entrega di un keho na e Comision di Servicio di Polis, e recomendacion pa aresta e Comisario di Polis, e recomendacion pa sigui busca informacion y evidencia for di oficina di DPP,



(tur esaki) no tin absolutamente nada di haber cu Gobierno di Trinidad y Tobago.”

Rowley a bisa cu gobierno tabata un liña di operacion separa di e Estado y no por a tabata involvi den un investigacion policial, recomenda-

cion policial na e Comision, conseho na e Comision, y cualkier recomendacion cu e Director di Ministerio Publico por a haci pa aresta cualkier hende den e pais aki.

El a bisa cu gobierno lo cumpli cu e recomenda-

cionnan di PolSC na e ocasion aki. E prome minister a bisa cu e no tin un liña pa agrega of pa kita for di e recomendacion di PolSC. El a bisa cu e tabata eyan den Parlamento (liderando e mocion pa e Camara aproba e nominacionnan di Benja-

min y Simon), simplemente como un “mensahero manda pa e Constitucion”.

El a bisa cu gobierno tabata den un posicion dificil “caminda si nos bisa no na esaki, nos lo ser acusa di a tuma parti contra e cabayero aki (Benjamin) y na favor di un otro hende; y si nos bisa si na esaki, lo bisa cu gobierno kier esaki.” El a bisa, sinembargo, cu gobierno tabata djis descarga su responsabilidad pa PolSC haci un si ta cu e kier haci.

Like
us on
Facebook
facebook.com/bondianoticia

Republica Dominicana: Accidentnan di trafico a laga un morto cada tres ora den 2024

(DiarioLibre) - Accidentnan di trafico ta sigui ta un di e problemanan principal di caminda na Republica Dominicana. E situacion aki, presente den caya y avenidanan di e pais, a cobra bida di por lo menos un persona cada tres ora aña pasa.

Segun e Observatorio Permanente di Seguridad riba Caminda (Opsevi), 3,114 persona a muri den accident di trafico den 2024, loke ta ekivalente, den promedio, na ocho morto pa dia.

Aunke e cifra ta keda alarmante, e ta representa un bahada leve compara cu 2023, ora cu a registra 3,128 morto pa motibo di accident di trafico, segun e mesun entidad.

Entre 1 di januari y 31 di december 2024, 14,179 accidente di trafico a sucede, cu a afecta 19,960 hende. Esaki ta nifica cu, promedio, cada 24 ora, 54 individuo tabata victima di un accident di trafico.

Estadistica ta muestra cu alrededor di 15.6% di hende envolvi den accident di trafico a muri a.

Cifranan preocupante na Republica Dominicana ta indica cu hobennan ta e victimanan principal di accidentnan di trafico.

Segun datonan di Opsevi, por lo menos 585 persona entre e edadnan di 20 y 29 aña a muri riba caminda aña pasa. Na di dos lug ta e poblacion di 30 pa 39 aña, cu 363 morto, sigui pa e grupo di edad di 40 pa 49 aña, cu a registra 253 morto.

28.9% di e victimanan tabata entre 15 y 34 aña di edad. Den e grupo di edad di 20 pa 24 aña, 1,785 accidente a ser raporta, mientras cu den e grupo di edad di 25 pa 29 aña, e cifra tabata 1,588. Tabatin 1,258 caso registra entre e edadnan di 30 y 34 aña, y 1,150 entre e edadnan di 15 y 19.

Den 49.5% di e casonan, autoridadnan no por a determine e edad di esnan envolvi.

Otro tendencia ta cu hende homber ta supera hende muhe den victimanan fa-



tal y personanan involucra den accident. Di e 3,114 fayecidonan, 2,644 tabata hende homber (84.9%), mientras cu di e 19,60 afecta, 15,726 tabata hende homber (78.7%).

Seis caretera a conta pa un cuart di tur morto di accidente di caminda den e pais, cu ta suma 770 morto na 2024. E caretera Duarte a registra e cantidad di morto mas halto, cu 338 morto. Esaki ta sigui pa e autopista di Sánchez, cu 228 morto; e autopista 6 di november, cu 85 morto; Highway di Las Americas, cu 42 morto; e caminda noordoost, cu 39 morto; y e caminda grandi di coral, cu 38 morto.

E peaknan mas halto den accident y morto a ser registra den dos luna. Januari tabatin e cantidad di morto mas halto, na 406, y e di dos cantidad di incidente mas halto, na 1,271. Den contraste, maart tabatin e cantidad di accident mas halto, cu 1,374 y e di dos cantidad di morto mas halto, cu 315.

Ora a consulta varios experto riba e tema, nan a bay di acuerdo cu responsabilidad pa problemanan di trafico ta cay tanto riba e autoridadnan, como organo di control, como riba e ciudadanonan, cu ta e usarionan principal di e sistema di caretera.

Ingeniero di Seguridad riba Caminda Juan José Castilla a bisa cu e entidadnan encarga cu control di trafico mester asumi firmemente nan rol den aplicacion di leynan nacional.

Aunke Castilla a reconoce cu un gran parti di e poblacion no ta core auto di acuerdo cu leynan di trafico, el a critica severamente e inaccion di gobierno den persigui

violacionnan di e reglanan y adaptacion di infraestructura di caminda.

Entre e problemanan principal, el a muestra riba e falta di

sistemanan di restriccion di vehiculo riba caya y caminda grandi, desigualdad na banda di caminda y e normalisacion di infraccionnan manera core den luz cora, core un brommer sin helm, transporta pasaheronan sin proteccion, uso di bentananan tint den vehiculonan, entre hopi otro violacion.

Tambe el a destaca e peligro di speed bumpnan mal poni y e mal practica di pone asfalt riba acera bieu sin nivelacion apropiada.

Di otro banda, e presidente di e organizacion Mujeres en la Vía, María Taveras, a splica cu educacion riba seguridad riba caminda ta e herment principal pa reduci accidentnan di trafico.



Cumpra bo Mini Mega y cu Afl. 2,- mas, bo por gana e jackpot di

AFL

1.900.000,-

Con?



Afl. 5

Afl. 1.200.000,-

+



Extra!

Afl. 700.000,-

www.lottoaruba.com








Pa mas informacion yama 525-7555 of bishita nos website lottoaruba.com



Concierto di reggae pa marca di 80 cumpleaños di Bob Marley

(BBC) – Un concierto special pa celebra e historia di reggae na Birmingham lo tuma lugar ariba e 80 aniversario di hacimento di aña di Bob Marley.

E concierto yama Reggae Origins lo mira Basil Gabbidon y musiconan di Birmingham Contemporary Music Group (BCMG) bini hunto dilanti un audiencia na e Cas di

Pueblo di Birmingham.

E cantante reggae legendario Bob Marley a fayece di cancer na e edad di 36 aña ariba 11 di mei di 1981.

Gabbidon, miembro fundador di e banda reggae Steel Pulse naci na Handsworth, a bisa cu e musico lo “probablemente ta mesun sorprendi cu nos” cu e genero ta creci-

endo y ta sigui fuerte.

E concierto lo ta un fusion di musica clasico y reggae. Durante e concierto lo mira un orkesta y un banda completo presenta cantica nobo conoci pa e escena reggae di Birmingham, pero tambe algun di e hits mas grandi di Bob Marley.




Homber acusa di mata rapper Pop Smoke na 2020 a acepta acuerdo di culpabilidad pa evita huicio

(AP) – Un homber cu a ser acusa di mata rapper Pop Smoke na 2020 durante un robo na un mansion den Hollywood Hills a acepta un acuerdo di culpabilidad, evitando un huicio relaciona cu un cargo di asesinato cu lo a cuminsa diahuebs.

Corey Walker, 24, a acepta su culpabilidad diaranson pa asesinato boluntario y dos cargo di robo den un acuerdo pa un sentencia di 29 aña den prison.

E tabata e unico adulto cu a ser acusa den e caso, cu tres otro cu tabatin edad hubenil na e momento di e crimen,



incluyendo un tirador cu tabatin 15 aña. Tur cu ya a yega na un acuerdo apart.

Walker a ser acusa di dirigi e grupo na e mansion, unda e rapper di New York, Pop Smoke, kende su number legal ta Bashar Barakah Jackson, a ser mata na 19 di februari 2020, durante un biahe di cuatro dia na Los Angeles. Un yamada pa 911 di un amigo di un persona den e cas a raporta un intruso arma den e cas, segun polis.

E ladronnan tabatin e adres, pasobra un dia prome, Pop Smoke a post un potret na red social di un regalo cu e la haya, y e adres tabata ariba e etiket, segun autoridadnan.

E rapper tabata den baño ora e ladronnan cu mascara

a enfrent'e. Durante un lucha, e hoben di 15 aña, cu un pistol, a dal e un golpi na su cabes y a tir'e tres biaha den su lomba, segun testimonio di corte.

E atacante a horta su holoshi di diamanta di Rolex y a bend'e pa \$2,000, segun testimonio di un detective.

Naci na Brooklyn, Pop Smoke a yega na e escena di hip-hop na 2018 y bira famoso cu su cantica “Welcome to the Party,” un himno tocante asesinato y droga cu a bira un sensacion grandi, y a pone cu Nicki Minaj a canta un verso den un remix.

Naomi Campbell ta apela contra su prohibicion pa ta un trustee di un fundacion di caridad

(BBC) – Supermodelo Naomi Campbell ta apela contra su prohibicion pa ta un trustee di un fundacion di caridad, bisando cu un email falso a ser usa pa imita hende y a duna un impresion falso di su envolvimento.

Na September 2024, Campbell di 54 aña a ser prohibi pa ta trustee di un fundacion di caridad pa 5 aña despues cu un organo di control na Inglatera a haya mal maneho di fondo di caridad na Fashion for Relief, cual ta un fundacion cu Campbell a funda.

Representantenan di e modelo ta bisa cu algun documento cu a ser entrega pa The Charity Commission a duna un impresion malo di e rol di Campbell den e maneho di e fundacion na Inglatera. Nan ta splica cu tin evidencia



di un cuenta di email falso cu nan ta bisa a ser usa pa imita Campbell den comunicacion cu su abogadonan.

Como resultado, nan a bisa cu Campbell no a ser informa di e acusacionnan cu a ser haci contra dje pa e organo di control na Inglatera, y pa e motibo aki no tabata tin oportunidad di contesta nan

tampoco. E Charity Commission a haya sa cu placa cu a ser compila pa e fundacion a ser gasta ariba hotelnan luhoso, tratamiento di spa, sigaria y security.

Actualmente, Campbell a bisa cu e ta “preocupa hopi” cu e resultado aki y ta agrega cu e no tabata e persona “den control” di e fundacion.

Su caso lo presenta den un tribunal diabierna (7 di februari). Den un declaracion diaranson, Campbell a bisa cu e kier “sigura cu esnan responsabel lo ser haya y cu nan haya husticia”.

Campbell ta agrega cu e ta “lucha pa descubri e echonan” despues di a ricibi e rapport di e comision y “locual a sali te awo ta shockeante”.

“Mi kier pone un lus ariba con facil e ta pa falsifica documentonan y identidad online y evita cu otro persona pasa den locual ami ta pasando awo.”

Campbell tabata un di tres trustee di fundacionnan cu a ser descualifica como resultado di e control di aña pasa. Bianca Hellmich y Veronica Chou tambe a ser prohibi pa 9 aña.

Un control ariba Fashion for Relief a ser habri pa medio di e comision na 2021, unda e fundacion a ser disolvi y elimina for di e registro di fundacionnan di caridad na maart di 2024.

E comision, cu a controla e gastonan di Fashion for Relief entre april 2016 y juli 2022, a haya cu solamente 8.5% di e fondonan recauda a ser gasta pa donacionnan di caridad.

Un total di £344,000 a ser recupera y un otro £98,000 di e fondonan di caridad a ser proteha, segun The Charity Commission na september.

Fashion for Relief a ser funda cu e meta di uni e industria di moda pa alivia pobreza y avansa salud y educacion, pa haci donacion na otro organizacionnan y duna recurso pa desaster global.

Guardian ta bisa hues cu Wendy Williams merece evaluacion nobo di diagnostico di demencia

(TMZ) - Wendy Williams su insistencia cu e no ta sufri di demencia a resona cu su guardian legal, y awo e ta bisando hues cu Wendy merece un examen medico nobo.

E guardian designa pa corte, Sabrina Morrissey, a informa e hues cu ta trata Wendy su caso tocante Wendy su entervistanan recien, incluyendo uno cu TMZ, unda e ta bisa cu e no tin demencia, e diagnostico original cu a causa cu su persona ta biba den un facilidad cu asistencia.

Morrissey, via Roberta Ka-



plan, un di e abogadonan cu ta representa e areglo den e demanda contra creadornan di "Where Is Wendy Williams?",

a bisa durante su entrevista cu Wendy a bisa Charlamagne Tha God cu e no kier sigui e demanda contra A&E tocante e serie cu a lansa aña pasa. E guardian ta bisa cu nan tabata siguiendo e caso pa beneficio di Wendy, pero awo, mirando cu Wendy kier caba e areglo, nan ta cambiando di opinion.

Segun e carta, Morrissey kier ta transparente tocante Wendy su condicion y pa e motibo aki ta pensa cu lo ta prudente pa "Wendy ricibi un evaluacion medico nobo cu lo involucra un test psicologico y neurologico comprensivo pa un especialista den e area."

Mientras cu e proceso aki ta traha, Morrissey kier pa e hues pone e demanda den pausa, pendiente cu e resultado di un evaluacion nobo.

Awo, mientras cu Morrissey ta bisa cu e ta habri pa un test nobo pa Wendy, no ta parce cu e kere algo lo cambia. E carta ta termina cu "e guardian no tin interes den persigui un caso den e evento extremadamente poco probabel cu e examinacion nobo lo haya cu Wendy di algun manera tin e capacidad mental pa dirigi e caso di A&E."

Secuencia di banda pa Aruba Caiso & Soca Monarch 2025

Tur 30 artista ta bon prepara y e secuencia di banda ta conoci!

Durante e ultimo dianan aki Stichting Musica a publica varios video y potret riba nan Facebook page, cu ta duna un bista di e preparacion grandi cu tin tras di Aruba Caiso Soca Monarch 2025.

Varios artista a wordo entervista y ta cla pa duna un tremendo presentacion pa nan fanaticada. Diasabra awor, 8 di februari 2025, un total di 30 artista lo participa den e Soca Finals 2025, acompaña pa 14 banda.

E organisacion a indica cu nan kier crea un ambiente dushi pa tur esnan cu lo tey na Carnival Village, cu un food court amplio y tambe un bar cu e cocktail special cu Stichting Musica a crea, e asina yama "Soca Tryp". Tambe lo tin diferente atraccion, entre otro mas cu 1000 florin na premio pa esnan cu ta na e festival di parti Jumpsup Bingo.

E competencia musical mas grandi y espectacular di Aruba lo wordo transmiti via Pay Per View (PPV). Ta posibel pa mira e Soca Finals di Aruba Caiso Soca Monarch 2025 riba television of via online streaming.

E secuencia di banda pa e Aruba Caiso & Soca Monarch - Soca Finals 2025 ta lo siguiente:

1. GROOVE MASTERS cu Blacky (Tell Them) y T-Money (Soca Daddy)
2. BULERIA cu Kulchaman (What R We Fighting For) y

- OyeMaiky (True Thing)
3. TSUNAMI cu Gallo-way (Dr. Carnival Lector), Daddy Bass (Repo Man), Queen Sashah (Love In The Air), Jr. Bass (Let's Go), Lady LaRouge (To The Top), Freddy Rasta (One For Unity), Big Reckless (Road) y Easy B (Soca Train)
4. SHINE MUSIC cu Ashanti (Wuk and Jam)

5. DLS cu XENVN (Buraco)
6. YX3M cu M.I.K.E.Y. (Fyah) y Stuwly (Rich With Life)
7. JEON & THE GANG cu Master Gusto (Whoporop) y King Etto (Bula Aden)
8. IMPAK 4PLAY cu Anamo Ra (Sumtin 4 Da Road) y Magy (Ready Fuh D Road)
9. SUONA cu Ezrrraaaa (We Love This Timing)

10. DURO cu Casper (Barefoot/Pia Abou)
11. OREO cu Mighty Talent (Paranda Wuk Up), Mighty Talent Jr. (Throwing D Watah) y Lady Eyes (Survivor)
12. PHENOMENON cu Rusty (Take Me Back)
13. ZETA BAND cu Mighty Tattoo (El Paisa)
14. N FUZION cu Lyrod (Home), Suhcy (Metro-

nome) y Queen Shine (Soca Is Life)

Stichting Musica ta gradici tur esnan cu ta haci Aruba Caiso & Soca Monarch posibel, na prome lugar e artistanan cu ta traha duro pa forma un competencia fuerte pa otro. Danki na e publico fiel cu ta atende e festival y cu ta sintonisa.

Bo Carta di Hipoteca pa Impuesto | Awor Digital!

Pa acceso rapido y facil, y pa contribui na proteha nos planeta cu menos uzo di papel.

Tuma contacto cu nos AWE pa ACTUALISA bo informacion si ta necesario.
Bo carta di Hipoteca pa Impuesto lo wordo manda den e siman di 1 di maart 2025.

Tin pregunta? Nos ta cla pa yudabo! Tuma contacto cu nos via:
Telefon: 582-1111, E-mail: ggfmortgagescur@myguardiangroup.com

Guardian Group
Fatum

live easy

myguardiangroup.com

Centenares di hende muhe viola y kima despues cu rebeldenan a cende prison na Goma na candela

(TheGuardian)—Centenares di hende muhe a ser viola y kima bibo durante e caos despues cu un grupo rebelde a drenta e ciudad Congoles di Goma siman pasa. E encarceladonan femenino a ser ataca den nan sector dentro di e prison Munzeze durante un fuga, segun un oficial mayor di e Organizacion di Nacionnan Uni.

E hefe suplente di e forza di mantencion di paz basa na Goma, Vivian van de Perre, a bisa cu mientras varios miles di hende homber a logra scapa for di prison, e area reserva pa hende muhe a ser cendi na candela. Imagennan tuma un rato despues cu e rebeldenan di M23 a yega e centro di Goma a revela huma grandi biniendo for di e prison dia 27 di januari mainta.

Aunke detayenan di e incidente ta scars, e atrocidad



ta parce un di e pionan den e conflicto den e Republica Democratico di Congo. Mantenedornan di paz, sinembargo, no por a bishita e prison pa investiga mas pa via di limitacionnan impone pa e rebeldenan M23, cual ta nifica cu e identidadnan di e perpetradornan ta keda desconoci.

Diamars a Sali na cla cu aproximadamente 2,000 curpa ainda tabata wardando deramento na Goma despues cu bringadornan di M23 a tuma control di e ciudad, e capital di e provincia North Kivu, dia 27 di januari.

Van de Perre, ken awor ta basa na Goma cu miles di

trupa di mantencion di paz desplega pa proteha ciudadanonan, a bisa: “Tabatin un fuga enorme di 4,000 prisionero. Un mas centenares di hende muhe tambe tabata den e prizon ey.”

“Nan tur a ser viola y despues a cende e sector di hende muhe na candela. Nan tur a

muri eyden.”

E siman aki e oficina di ONU di e comisionario halto pa derecho humano (OHCHR) a adverti cu violencia sexual ta ser usa como arma di guerra pa gruponan rival den Goma. E ciudad, hogar di mas cu 1 miyon hende, ta bao control total di forsanan M23. Pero den un desaroyo sin precedencia dialuna, e militancia anuncia un alto-el-fuego unilateral.

te e momento ey, preocupacion tabata creciendo cu Ruanda tabata determina pa tuma mas teritorio for di su bisiña, cu forsanan di M23 moviendo den direccion di Bukavu, e capital di e provincia South Kivu 190 km for di Goma.

Un declaracion for di e coalicion policial-militar yama e Alianza di Riu di Congo—di cual M23 ta miembro—a anuncia cu e “no tin intencion di tuma control di Bukavu of otro sitionan.”

Fondo di UE pa yuda trupanen move rapidamente ta demasiado chikito y no ta ser maneha bon

(AP)—Un fondo di Union Europeo diseña pa yuda acelera e despliegue di trupanen, tankinan y equipahenan militar den e bloc di 27 nacion den temponan di conflicto ta demasiado chikito bo ta ser maneha bon suficiente pa ta efectivo, segun auditornan a bisa den un rapport diaranson.

Ehercitonan aliado ta ser retrasa pa demasiado regla oficial riba fronteranan interno di UE. Un pais miembro ta rekeri un aviso di 45 dia prome cu e por autorisa convoyan militar pa crusa. Cu guerra andando den Ucrania, movilidad militar a bira mas importante.

Secretario-general di NATO, Mark Rutte, a bisa luna pas cu tempo ta esencial, mirando cu e futuro di Europa su seguridad ta depende riba e resultado di e guerra. Si presidente Ruso, Vladimir Putin, “haya su kier, paz no lo dura,” el a bisa. “Awor nos ta safe. Kisas den cinco aña no.”

E fondo di movilidad militar di UE tabata parti di un “Plan di Accion” crea na 2022 den e lunanan despues cu Rusia lansa un invasion completo den Ucrania. Placa a ser aloca pa 95 proyecto den 21 pais



pa mehoranan brugnan y camindanan pa ciudadanonan dual y uso militar.

Pero e fondo a conta pa solamente 1.7 bion euro, cual Tony Murphy—presidente di e Corte Europeo di Auditornan—describi como “pinda” compara cu e 300 bion euro cu paisnan miembro den UE supuestamente a gasta riba defensa aña pasa.

Murphy a bisa cu e plan di accion a ser crea rapidamente pa e sector ehecutivo di e bloc, e Comision Europeo, y cu esaki “no a ser construi riba fundeshinan solido suficiente.” Publicando e rap-

port di e auditornan, Murphy a bisa cu e comision a actua “sin necesidad di evaluacion amplio di antemano. Como resultado, e no por a calcula un presupuesto cu por sostene e obhetivonan.” El a bisa cu e fondo “tabata un pida so compara cu e necesidadnan en general.

Mayoria di e placa cu mester a bay pa mehoracion di movilidad militar pa e periodo di 2022-2026 a bira rapidamente disponible pa proyectonan y a ser usa completamente dentro di e prome dos aña, secando full e fondo. E auditornan a sugeri pa usa fondonan di transporte civil pa yuda de-

shaci di limitacionnan riba transportacion.

Di e 95 proyectonan cu a haya aprobacion, mayoria di nan tabata den paisnan cerca di e fronteranan di UE cu Rusia, su aliado Belarus y Ucrania. Un ruta di transporte pa Ucrania a ser ignora completamente. Grecia no a ricibi ningun financiamiento, mientras cu un proyecto den Bulgaria a ricibi poco financiamiento.

“Loke ta particularmente preocupante, ta cu proyectonan a ser eligi tiki tiki,” sin strategia obvio, Murphy a bisa. Auditornan tabata sorprendi pa

descubri cu algun proyecto a ser eligi hasta prome cu e comision y paisnan miembro a identifica e prioridadnan mas urgente.

Murphy a bisa tambe cu e tabata dificil pa su auditornan, pero tambe pa paisnan miembro, pa dicidi ken ta encarga, mirando cu “no tabatin ningun punto di contacto riba nivel di UE pa movilidad militar.”

Den un email manda pa reporteronan prome cu e rapport a ser publica, e comision a defende su mes bishando cu ora UE a ser confronta cu yuda Ucrania defende su mes, e sector ehecutivo “a responde rapidamente por medio di acelera y expande” financiamiento pa proyectonan.

El a nota cu movilidad militar ta un prioridad di e comision nobo, cual a cuminsa traha den december, y cu un comisionario a ser apunta. E comision a priminti pa atende cu preocupacionnan tocante un “falta di coordinacion.”

“Nos ta considera e recomendacionnan y conclusionnan di e Corte Europeo di Auditornan como un oportunidad pa haci un progreso necesario den e area di movilidad militar,” e comision a bisa.

Portland su ekiponan di WNBA y NWSL lo comparti e prome facilidad di training hunto

(AP) - Portland Thorns di National Women's Soccer League y e ciudad su ekipo di WNBA lo train hunto na un centro nobo cu lo forma un aliansa prome di su tipo den ambos liga.

Ambos ekipo di hende muhe ta pertenece na e famia Bathal, cual tambe tin parti den NBA su Sacramento Kings. E campus di 150 miyon dollar, cual lo habri na comienso di e temporada di WNBA den 2026, lo drecha un facili-



dad cu anteriormente tabata pertenece Nike na Hillsboro, un ciudad west di Portland.

E servicionan lo inclui locker y sala pa ambos ekipo, dos veld di futbol y un area di

training adicional den aire liber, un gym cu lo tin 2 veld di basketball, training pa forsa, area pa condicionamento y rehabilitacion, cinema, oficina pa e ekiponan y un sala pa come.

Portland a ricibi un ekipo di expansion september ultimo. RAJ Sports, lidera pa Lisa Bathal y Alex Bathal, ta doño di y ta opera e ekipo. Nan a paga 125 miyon dollar pa e franquisia.

Karina LeBlanc, vice presidente ehecutivo di crecemento strategico pa RAJ Sports a bisa cu Bathal Merage a crea sesionnan cu e atletanan pa diseña e facilidad, cual a keda anuncia diahuebs. "Mi generacion cu a hunga e deporte aki por mira e centro y pensa "waw, esaki ta miho cu

mi soñonan." E atletanan ta e centro di esaki. Nan lo tin e habilidad di drenta un edificio unda nan lo sinti cu nan a pertenece, y nan ta mira y scucha," LeBlanc a bisa, ken tabata keeper di Thorns y despues tabatin e funcion como e ekipo su manager general.

Portland tabatin un ekipo den WNBA, Fire, for di 2000 te cu 2002. E franquisia aki tabatin un averahe di mas di 8,000 fanatico ora cu e weganan tabata tuma luga na Rose Garden. E franquisia nobo lo hunga na e mesun arena, awo conoci como Moda Center.

Bathals a cumpra Thorns anteriormente e aña aki pa 63 miyon dollar. Portland tabata un di e ekiponan fundador di

NWSL den 2013.

Thorns actualmente ta train y hunga nan weganan na Portland su Providence Park.

Mientras cu WNBA su ekiponan ta comparti facilidadnan cu ekiponan di NBA, e ta e prome biaha cu un par di ekipo femenino den diferente deporte lo practica hunto.

"E hechocu esaki ta sucede na Portland, e ta sinti adecua, pa motibo cu esaki ta un ciudad unda nos tin e base di operacion di un di e marcanan mas grandi, nos tin e miho atletanan den mundo, y awo nos lo realmente trece miho atletanan di mundo den 2 di e deportenan mas grandi den deporte di Norte America profesional," LeBlanc a bisa.

Presidente di La Liga ta critica Real Madrid pa su kehonan contra referee

(AP) - Presidente di liga Spaño Javier Tebas a critica Real Madrid diahuebs, bisando cu e liderazgo di e club a "perde su cabes" pa acusa Spaña su referee di tin preferencia contra e campeon defendiendo su titulo.



E hefe di La Liga a bisa cu e ta considerando tuma accion legal pa e carta cu Madrid a publica e siman aki den cual el a acusa cu e liga ta "adultera" pa faborece otro clubnan.

Tebas a bisa reporteronan cu "nan a crea un cuento di victimisacion exagera cu ta completamente sin base, cu den mi opinion, e meta di debilita e competencia. E ta completamente exagera. Nan a perde nan huicio."

E carta a ser manda dos dia despues cu Madrid a sinti cu el a sufri daño pa motibo cu un referee a comete eror den un perdida 1-0 contra Espanyol. Madrid mas tanto a keha di un 'hard foul' contra Kylian Mbappe di defensor di Espanyol Carlos Romero durante e di 60 minuut. Romero a ricibi un carchi geel pero Madrid ta sinti e mester a ricibi un carchi cora. Romero despues a anota e gol ganador.

Desues di evaluacion via video, e ekipo a considera cu e carchi geel tabata apropiada. Madrid a bisa den su carta di 4 pagina cu e trabao di VAR y e ekipo tabata "scandaloso."

E club a bisa cu e trabao di referee Espanyol a representa e "culminacion di un sistema

di referee completamente desacredita ken su decision contra Real Madrid a yega un punto unda e adulteracion y manipulacion di e competencia no por keda ignora."

Tambe, Madrid a publica un video di 4 minuut riba su website titula "E scandal global ta sigui escala" di clip tocante e foul di Romero contra Mbappe y ta cita outlet di media cu ta considera esaki ta merece un carchi cora.

Tebas a critica Real Madrid su club pa motibo cu a produci paketenan di video di manera rutinario cu aparentemente ta musta con cierto referee ta tuma nan decision contra e ekipo. El a bisa cu Real Madrid TV "ta yama e refereenan corrupto."

Madrid a colecta su di 36 titulo den liga Spaño y di 15 copa Europeo - ambos record - ultimo temporada. E ta lider den La Liga cu 1 punto prome cu hunga contra di dos luga Atletico Madrid di asabra.

DOCENTEN GEZOCHT

WIJ ZIJN OP ZOEK NAAR JOU!

Het Schakel College is een kleinschalige school op Aruba en biedt het TTO-programma aan. Nederlands en Engels zijn onze instructietalen. Wij dagen leerlingen uit om optimaal te leren in een prettige en persoonlijke leeromgeving waar leerlingen zich gezien en gehoord voelen. Dit zien wij terug in de hoge slagingspercentages.

1e GRAADS DOCENTEN GEZOCHT PER 1 AUGUSTUS 2025 VOOR:
• AARDRIJKSKUNDE • GESCHIEDENIS (PER 1 MEI) • INFORMATICA
• NATUURKUNDE • NEDERLANDS • WISKUNDE

WAT BIEDEN WIJ?

- 1 fte.
- Salariëring volgens de bezoldigingsregeling onderwijspersoneel van Aruba.
- Aanvullende voorwaarden bij een eventuele emigratie worden tijdens de gesprekken besproken.

HEBBEN WIJ JOUW INTERESSE GEWEKT?

MAIL DAN JOUW MOTIVATIEBRIEF MET CV NAAR ONZE SCHOOLLEIDER LIZETTE MOERMAN VIA SOLLICITATIE@SCHAKELARUBA.COM

Boegoeroei 7B, Aruba

+297 5871583

www.college.schakelaruba.com

Legisladornan di Cas Blanco ta pusha pa prohibi DeepSeek for di dispositivonan gubernamental

(AP) - Un duo bipartisano den Cas blanco ta propone un legislacion pa prohibi e aplicacion di inteligencia artificial Chines DeepSeek for di dispositivonan federal, similar na e politica cu ya caba tin implementa contra TikTok.


Rep. Josh Gottheimer, D-N.J. y Darin LaHood, R-Ill., a introduci e “No DeepSeek on Government Devices Act,” cual lo prohibi e empleadonan federal di usa e aplicacion riba dispositivonan cu ta pertenece na gobierno. Nan a cita e gobierno Chines su habilidad di usa e aplicacion pa vigilancia y desinformacion como motibonan pa mantene esaki leu di rednan federal.

“Chinese communist Party a haci abundantemente cla cu e lo explota cualkier herment



na su disposicion pa debilita nos seguridad nacional, plama desinformacion dañino y colecta data di Mericanonan,” Gottenheimer a bisa den un declaracion. “Nos simplemente no por core e riesgo di CCP infiltra e dispositivonan di nos oficialnan di gobierno y pone den peliger nos segu-

ridad nacional.” E proposicion ta bini despues cu e compania di software Chines den januari a publica un model di AI cu a traha na un nivel competitivo cu modelonan desaroya pa firmanan Mericano manera OpenAI, Meta, Alphabet y otronan. Aña pasa, Congreso y e presi-



dent den e tempo aki joe Biden a aproba e separacion di e plataforma popular TikTok di su compania doño Chines of enfrenta un prohibicion na e pais; un politica cu awo ta den pausa. President Donald Trump awo a firma un orden ehecutivo pa extende e oportunidad di yega un solucion di termino largo prome cu e prohibicion dreña den efecto.

Den 2023, Biden a prohibi e uso di TikTok riba dispositivonan federal.

E proposicion lo afecta solamente DeepSeek y cualkier aplicacion desaroya pa su compania doño, High-Flyer. E legislacion ta inclui excepcion pa seguridad nacional y propositonan di investigacion cu lo permiti e dunadonan di trabao federal tempo pa studia DeepSeek.

Trump su cancelacion di ‘de minimis’ ta malo pa Temu pero pio pa Shein

(Reuters) - E administracion di Trump su decision di para importacion di costo abao di drenta Merca liber di tarifa ta probabel di ta un golpi mas feurte pa Shein compara cu Temu, danki na Temu su rango di producto mas amplio y cambionan na su strategia.

Ambos website a crece grandemente den añanan recien na Merca yuda pa e regla asina yama ‘de minimis’, un medida cu ta duna excepcion na cargamento di menos di 800 dollar ora di paga impuesto di importacion. Un rapport den juni di 2023 a calcula cu e bendedornan Chines ta responsabel pa mas di 30% di e paketenan cu ta yega Merca cada dia bao e regla.

E regla aki a ricibi critica durante administracion di Biden causando cu ambos firma a cuminsa haci preparacion pa depende menos riba esaki, sinembargo Temu a



haci cambionan mas lihe, segun analistanan y bendedornan a bisa Reuters. Temu ta pertenece na PDD Holdings mientras cu Shein tin meta di yega London den prome mita di e aña.

Analista di tecnologia Riu Ma a bisa cu Temu “rapidamente a expande su model semi-mancha” como parti di e base, un strategia similar na Amazon unda ta manda cantidadnan grandi na warehouse den exterior na luga di directamente pa e clientenan.

Dentro di lunanan di su in-

tento pa atrae bendedornan cu lo tin inventario na Merca maart ultimo, mas o menos 20% di Temu su bentanan na Merc a ser manda via bendedornan local na luga di directamente na China, segun calculacionnan di investigacion di comercio online Marketplace Pulse.

Dos bendedornan basa na China di Temu a conta Reuters cu pa fin di aña pasa, mita di e productonan cu a bende pa Merca a ser manda warehouse na e pais prome.

Temu tambe ta aumentando e proporcion di articulo cu e ta manda via lama. Basile Ricard, director di operacion na Ceva Logistics Greater China, a bisa cu un aumento den Temu su uso di barco pa manda gran cantidad di producto y cosnan di mas balor y mas tamaño tabata aparente den e di dos mita di aña pasa, reduciendo e importacion bao e cantidad den ‘de minimis’.

Den contraste, Shein ta keda depende riba vuelonan pa directamente manda miles di producto cu e ta bende pa siman, Ricard a bisa, aunke el a habri centronan den estadonan incluyendo Illinois y California, ademá di un cadena di suministro na Seattle.

“Mi ta kere ta importante pa separa Shein for di e resto di hungadonan den e mercado pa motibo cu nan negoshi ta basa riba velocidad di provee estilo nobo y nan mester keda reactivo na modanan, pues velocidad ta un parti mas grandi di nan negoshi,” el a splica.

E gran mayoria di Shein su productonan te ainda ta traha na China, sinembargo el a cuminsa diversifica su cadena di suministro, agregando di Brazil y Turkia, por ehempel, un movida cu por accelera den bista di tarifa y regulacionnan nobo.

Temu y Shein no a responde na peticion pa comentario.

Trump su orden ehecutivo e siman aki a manda e industria den confusion cu Merca su servicio di post riba diaran son anulando un decision di no acepta pakete di China y Hong Kong, cual el a anuncia net 12 ora prome.

Analistanan di Nomura ta calcula cu e volumen di cargo-

nan di ‘de minimis’ na Merca por cay cu 60%, mirando cu Mericanonan cu pidi for di Shein, Temu y amazon Haul ta enfrenta prijs mas halto.

Alrededor di 1.46 biyon a drenta Merca usando e provision di ‘de minimis’ den 2024, 36% mas cu den 2023 segun data di CPB.

Ma, sinembargo, a bisa cu e ta anticipa cu Shein y Temu lo adapta rapidamente, mirando e agilidad di China su firmanan di comercio online y nan cadena di suministro. “Mi ta kere cu e lo tin un impacto real, specialmente den termino corto, pero e no lo ta algo catastrofico,” Ma a bisa. “China tin e operadornan di comercio online mas competitivo y e cadena di suministro mas avansa. Al menos cu bin un prohibicion total of algo asina, mi ta kere nan lo por busca un solucion.”

Potretnan di Reuters y AP



Cachonan los ta causa disturbio atrobe den comunidad!

Diaranson anochi a drenta informe di un problema na Matividiri, mesora a dirigi un patruya na e sitio.

Na yegada di e patruya a bin compronde cu aki ta trata di cachonan brabo cu a sali di nan cura drenta cura di bisiña y habraca nan auto.



Chauffeur a caba di yega trabao y auto a pega na candela



Diahuebs mainta a drenta informe di cu tin un auto na candela den parking-

lot di Departamento di Impuesto, mesora a dirigi bomberonan na e sitio.

Na yegada di e bomberonan ya caba nan mes a paga e candela pero e auto a sigui hume.

Bomberonan a haya nan mes obliga di habri e hood forsa pa para e humamento. Na

momento cu a logra paga e huma a laga e auto fria pa evita mas problema.

Damita di 17 aña a cay for di trapi di dos piso y tabata keha di hopi dolor



Diahuebs mainta a drenta informe di cu un damita di 17 aña a cay for di trapi di 2 piso na Van den Veen Zeppenfeldstraat dilanti di Charlie's Bar, mesora a dirigi un ambulans na e sitio.

Na yegada di e patruya a bin compronde cu e damita a cay y tin hopi dolor di su rudia bay abao y el a dal su brasa y cabes. Ambulans a atend'e y a transport'e pa Centro Medico.

Polis a yuda turista di edad respeta yega na su cas na Boeogoeroei



Dialuna madruga polis a topa cu un turista canando tur desorienta bayendo

su lugar di estancia tur bruha.

Polis a guia e turista desorienta yega su destinacion sin problema.

Polisnan cu control den trafico na salida di warda di polis Oranjestad

Diamars atardi polisnan a subi warda cu un control severo y a para 2 auto un pariba di e otro eybando mes cerca di warda esaki en conexion cu un control y infraccion den trafico.

Ambos auto a ser para y nan a haya un boet pa bay paga.



Chauffeur di un Toyota no a regula su velocidad ni a mantene distancia a bay dal tras di un pick-up na Paradera

Diahuebs mainta a drenta informe di un accidente na dilanti Best Deal na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Toyota Yaris no a regula su velocidad ni a mantene distancia a bay dal tras di un pickup truck. Afortunadamente ningun hende a resulta herida.



Di atardi pa anochi un pick-up of truck a pasa raspa auto di huur na Bushiri



Diahuebs mainta a drenta informe di un accidente na Bushiri, mesora a dirigi un patruya na e sitio.

Na yegada di e patruya a bin compronde cu aki ta trata di un vehiculo cu lo a pasa y causa daño na un van di huur y a sigui core bay.

Hoben chauffeur a scapa di chiripa ora auto a bolter riba Sasakiweg



Diahuebs atardi a drenta informe di un accidente cu hende herida na Sasakiweg pariba di ex-House of Cheng's, mesora a dirigi tanto polis como ambulans na e sitio.



Na yegada di e patruya a bin compronde for di e chauffeur cu un auto lo a cer'e pone perde control y bolter.

Den e boltermento e chauffeur lo a herida su man y ta-

bata keha di dolor na su man.

Na yegada di e ambulans e hoben a bisa di cu e no a sali herida y no ta desea un control di ambulans y nan a sigui nan caminda.

Polisnan cu control sorpresivo na Savaneta: un persona deteni y otro 2 prohibi pa stuur



Diabierna siman pasa, tempran den oranan di anochi a cuminsa cu un control den trafico unda a para varios chauffeur den e prome momentonan caba a detene un persona y a prohibi otro dos nan pa stuur.

Homber a dal abao na Eagle Beach



Diahuebs mainta un turista di edad a dal abao na Eagle Beach.

cura pa seguridad na e beach a bay brinda asistencia pero e cabayero a lanta di su mes y su famia a compaña'e.

Mesora e personal cu per-

E experencia di DaVinci Michelangelo ta haci debut den Caribe na Cas di Cultura

E internacionalmente aclama, DaVinci Michelangelo Experience, ta cla pa haci su tan anticipa debut den Caribe na Cas di Cultura dia 29 di maart 2025. E produccion teatral aki, cu a capta publico den henter Merca, y Off-Broadway na New York, ta trece bida na e genio di dos di e visionarionan mas grandi di historia—Leonardo da Vinci y Michelangelo.

E programa multimedia unico aki, crea y interpreta pa e dinamico Mark Rodgers, ta mescla arte, ciencia y teatro den un biahe inolvidabel den e era di Renaissance.

Combinando animacionnan 3D impresionante, clipnan di pelicula cinematografico, y proyeccionnan artistico impresionante, Rodgers ta presenta e historianan di Da Vinci y Michelangelo, mostrando nan obranan, rivalidadnan y impacto duradero riba cultura moderno.

Despues di a caba di completa un gira exitoso na Reino Uni, incluyendo un presentacion aclama pa criticonan na London's Bloomsbury Theatre, e produccion awor ta yega Aruba pa un evento exclusivo di un anochi so.

Rodgers, un ex-curado di The DaVinci Machines y

Michelangelo Exhibitions, ta transforma historia den un experencia energetico y inmersivo. E publico no ta djis wak—nan ta drenta den e mente di dos genio di Renaissance, descubri nan impacto duradero riba e mundo di awendia. “E Experencia di DaVinci Michelangelo tin algo pa tur hende,” Rodgers ta bisa. “E dos artistanan aki a forma e mundo cu nos ta biba aden, y nan influencia por wordo sinti te awe. Mi meta ta pa inspira cada miembro di publico pa descubri nan propio Da Vinci y Michelangelo interno.”

Cas di Cultura lo ta anfitrión di dos presentacion special di
























The DaVinci Michelangelo Experience. E prome ta un matinee exclusivo, solamente pa invitacion pa studiantenan riba diabierna 28 di maart, cu e meta pa inspira hubentud di Aruba pa medio di arte y historia. E publico lo tin e oportunidad pa experencia e produccion espectacular aki, treciendo e genio di Da Vinci y Michelangelo na bida riba escenario diasabra 29 di maart.


For di Michelangelo su Estatua di David y Kapel di Sistina te na Da Vinci su Mona

Lisa y invencionnan pionero, e biahe teatral emocionante aki ta tanto educativo como impresionante. Sea bo ta un amante di arte, un amante di historia, of simplemente ta buscando un anochi inolvidabel, esaki ta un evento cu bo no por perde.

Pa mas informacion tocante e evento/carchinan, por tuma contacto cu:
Cas di Cultura Telefon: +297-582-1010
Email: info@casdicultura.aw
Website: www.casdicultura.aw

Resultado Sorteo Februari 06				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
8208	2830	8726	8251	
7042	1750	SUPER5	0325	
9396	9368	-	1573	

MERDIA		ANOCHI	
			
Sorteo # 4529	Sorteo # 8467	Sorteo #	Joker Letter
8898	8377	0 x Jackpot	Proximo Jackpot
5308	6397	0 x Match 4+	280.000,-
3962	2430	0 x Match 4	
		0 x Afl. 12,00	
X2	X2		
			
Sorteo # 4529	Sorteo # 7511	Sorteo # 6735	Proximo Jackpot
3895	1692	0 x Jackpot	56.000,-
		6 x Match 4	
FP	X3	158 x Afl 8,00	
			
Sorteo # 2585	Sorteo # 2216	Sorteo #	Mega Ball
6481	5230	0 x Jackpot	Proximo Jackpot
		0 x match 4	1.200.000,-
Sorteo # 4529	Sorteo # 6270	0 x Afl. 500,00	
0882	0114	0 x Afl 50,00	
Aquario	Capricornio	0 x Afl. 15,00	
			
Sorteo # 1403	Sorteo # 1200	Afl. 1.900.000,-	
567	291		
		Sorteo #	
X5	X2		



King Classic Sudoku

	8	3	9					
1		5	6		2	9		
9						3		
	6			1			3	5
		9				6		
					6	4	1	
		4	3	6			9	
8		1						7
		7			1	2		

Difficulty: ★★★★★

2/7



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Anna: **San Lucas:**
Tel. 586 8181 Tel. 584 5119

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Aumento den actividad di teremoto ta provoca emergencia na Santorini

(AP) - Gobierno di Grecia ta declara estado di emergencia na Santorini diahuebs despues cu centenares di teremoto bao lama a sacudi e isla pa casi 1 siman.

E ministerio di proteccion civil su anuncio lo dun e autoridadnan acceso mas lihe na recursonan estatal. E ta bini despues di un temblor cu un magnitud di 5.2 - e mas fuerte mira desde cu actividad a cuminsa dia 31 di januari - cu a golpia diaran-son atardi.

Vocero di gobierno Pavlos Marinakis a confirma cu varios servicio di emergencia a keda mobilisa pa sostene e isla. "Departamentonan di bombero, polis, warda costa, forsan arma y servicionan medico di emergencia a inmediatamente reforsa Santoni y e islanan alrededor cu extra empleado y ekipo specialisa," e reporteronan a informa.


Apesar di a causa daño minimo, e actividad di teremoto no ta relaciona cu actividad volcanico den Aegan Sea, pero toch no por bisa na ki momento esaki por yega na un teremoto mas fuerte. "Nos no ta den un posicion unda nos por bisa cu nos ta mira evidencia cu e secuencia aki lo yega na un conclusion poco poco," Vassilis K. Karastathis, un experto y director di investigation di National Observatory of Athens a conta. "Ainda nos ta den medio di caminda, nos no a mira ningun señal cu e ta bayendo den direccion di regresion."

E epicentro di e teremotonan ta concentra den un cluster entre e islanan di Santorini, Anafi, Amorgos y Ios. Expertonan ta mira e localidad como un factor cu ta mitiga, notando cu esaki significativamente ta reduci e potencial di daño amplio compara cu eventonan similar cu sucede riba tera.

E isla su misa Ortodox a urgi e residentenan yuda otro durante un tempo di "gran ansiedad."

TA BUSCA
TBT Design Center N.V.
ta busca
"Schoonmaakster"
Por yama na
Tel. 592 8085


218890



Pronostico di tempo

Tempo:

Awe nochi: parcialmente nubia cu un awasero breve
Den marduga y mañan: parcialmente nubia cu un awasero breve



Temperatura maximo 31 grado Celsius

Temperatura minimo 26 grado Celsius

Indice di calor (heat index) den y rond di oranan di merdia: 32 pa 36 grado Celsius
Uv index: 8

Bahada di solo : 6:43 pm

Subida di solo : 7:04 am

Biento:

Moderate te basta fuerte for di direccion generalmente oost; Forsa 4 te 5 (20 te 39 km/ora, 11 te 21 nudo)
Durante di dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo)

Situacion general di

tempo:

Un masa di aire relativamente seco a drenta atmosfera regional. Esaki lo limita actividad di awacero den region local. Di otro un banda biento lo keda modera te basta fuerte durante e periodo di pronostico aki cu rafaganan fuerte te posiblemente duro.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil 1 pa 3 pia.
Na partinan oost te noord-west di costa: generalmente modera cu olanan alrededor di 4 pa 6 pia.

Aurora

Royal Pray

Funeral Home & Crematory

"Wait on the LORD: be of good courage, and he shall strengthen thine heart: wait, I say, on the LORD." - Psalm 27:14

It is with deep sadness that we announce the passing of our beloved: husband, father, brother, brother-in-law, uncle, cousin, and friend:



Edward Alexander Anderson
Better known as "Andy, Eddy or Adarn"
★ April 4, 1950 - † January 18, 2025

Let to mourn are:

His wife: Vanito Anderson née Williams
Children: Dalmarie Anderson and Nicole Anderson

Brothers:

†Lawrence Turner and family
†Kenneth Royal and family
†Oscar Royal and family
Ezekiel Anderson and family
†Obediah Anderson and family
Charles Anderson and family
Rufus Anderson and family

Sister: Eliza Turner and family

Brother-in-laws: Wester Mc Leish and family, Calvin Dwyer and family, Cerbert Williams and family, Delroy Williams, George (John) Williams and family

Sister-in-law: Vivine Barrett and family

Cousins, nieces and nephews are too numerous to mention.

Members of Seventh Day Adventist Church, neighbours and friends in the community.

Other Families:

Brown, Carridice, Deebles, Hall, Hibbert, Powell, Reids, Royals, Turners, and Wrights.

The **Funeral service** will take place on **Wednesday, February 12th, 2025** at the San Nicolas Seventh Day Adventist Church located at Dr. Schaepmanstraat 3.

The body of the late Edward Alexander Anderson will be laid out from 1:00pm. The service will start at 2:00pm. Followed by the burial service at the Sabana Basora Cemetery.

Address for Condolences:

The Pray Funeral Home in San Nicolas
Tuesday, February 11th, 2025, from 7:00 - 9:00 pm.

We apologize if during our time of sorrow, we may have overlooked any family or friends.

Aurora

Royal Pray

Funeral Home & Crematory

My sweet boy, our swordfish killer, our son, Kyle Ri's brother, a super friend to many, knowledgeable beyond expectations, dare devil, adventurous and a joker, none of us were prepared for this news. None of us saw this coming. You had holidays coming but did not want us to know when you were coming.



Bryon Shaughn Richardson,
better known as Perla, Pelly, Black Pearl, Blacky
★20-06-1996 – 31-01-2025

Left to mourn are:

His Parents:
Paulino "Plons" Richardson
Federica "Ica" Jones

His Brother: Kyle Richardson

His Aunts and Uncles:

Esther Jones & Jamil Wever
Consuelo Adema
Josanne Fingal
Benjamin "Ben" Jones
Henry "Jerry" Jones & Jenny Bernal Alzate
William "Tochin" Richardson
Alberto "Buchito" Richardson
Nelson Richardson
Edmundo Marlin y Lei Wong

His Cousins:

Gianella, Rihana, Ixabelle, Leanne, Melissa, Cinara, Vanessa, Kimberly, Ryan, Benji, Xandy, Raiden, Marc, Alexander, Sherwin, Joshua, Marisol y Astrid.

His Great Aunts and Uncles:

Gilda and Peter Ijff and family in Holland
Mieke van Dijke and family in Holland
Santiago "Chago" & Christina Jones and family in Holland
Kennith Jones and family in Holland
Benencia "Nen" Jones in Holland

His Godmother:

Madeline "Dina" Geerman, Andre, and family

Like Uncles:

Andre Loonstra & Family
Don de Veer & Family
Eric Mansur & Family
Bincho Mansur & Family
Carlo Mansur & Family
Hurbertje Merryweather & Family
Deryl Kock
Arthur Dowers
Rene Solognier
Sidney Ponson & Family

His Teams: Team Alina, Team Driftwood, Team Hadicurari, Team Varadero, Team Moonray, Team Ola, Team Tranquilo, Team Nautical, Team Bucuti, Team Teaser, Team Tropic King, Team Bali, Team Marina, Team Zeerover, HH Private Affairs Office, Team Bon Bini Cargo.

Family: Richardson, Jones, Ras, Wever, Fingal, Bernal Alzate, van der Plasse, Adema, Clough, Ijff, van Dijke, Geerman, Loonstra, de Veer, Mansur, Merryweather, Kock, Dowers, Solognier.

An invitation is extended to all his family, neighbors, friends (too numerous to mention), school colleagues Mon Plaisir Basis School, EPB, and acquaintances to attend and pay their respects at Aurora Funeral Home on **Saturday, February 8, 2025, from 12:00 PM to 4:00 PM.** Cremation will take place in an intimate circle.

Bryon is a happy person and therefore we ask that you come in happy colors.
We apologize if in our sorrow we might have forgotten to mention someone.

Aurora

Royal Pray

Funeral Home & Crematory

"Dios ta amor...y amor ta Dios,maske mi no ta na e mundo aki, tur dia lo mi ta banda di boso Curazon,mi por steuns di loke Senjor ta haci"

Conforme cu boluntad di Dios y agradecido pa tur locual e la significa pa nos. Nos ta anuncia fayecimento di nos querido Tata, ruman, welo, suegro y omo stima:



Sr. Michael Jacobus Croes
★11-06-1972 - † 04-02-2025

Na number di su :

Mama: †Maria Treesje Croes
Tata: †Mario Lugo

Welo(a):

†Margarita Croes- Paesch y †Jacobus Croes
†Arbolina Susanna Paesch y †Adan de Jesus Lugo

Yiunan:

Aisheline Jansen
Esmeralda Croes y pareha
Ricardo Croes y Stacey Ras
Corienne M Croes y pareha

Nieto(a)nan:

Nieto nan na Hulanda
Ashton Croes
Jared Zahir Croes
Mama di su yiunan:
Shahaira Jansen
Maria Da-Luz Viera Costa De Jesus
Mercedes Ortiz Builes

Rumannan:

Sharin y Abelo C de Andrade-Croes y yiunan
Francis y Natasha Croes y yiunan

Tanta:

Vicky Paesch y Fernando Figaroa famia
Maria y Juan Wernet y famia
Ludwina Croes y Elgio Ras y yiunan
Trina Croes y yiu
Lucia Croes y Eloy Petrochi y yiunan
Adriana Croes y yiunan

Omo:

Armando y Fermina Lugo y famia
Martin Lugo
Juan Paesch
Damasco Paesch
† Jossy Paesch
† Rudolfo Paesch y Lina
† Leandro Croes
† Feli Croes
Benito Croes y Amanda Heronimo y famia
Patricio Croes

Iha nan:

Suzy Petrochi
Suchail Werleman
Abelo jr. C de Andrade
Sue-Ann Petrocchi

Amigo: Matheo Werleman

Mihor amiga di cas: Geraldine (Sheila) Danje
Demas famianan: Croes, C. de Andrade, Thiel, Paesch, Lugo, de Freitas, Wernet, Figaroa, Segura, Pourier, Jansen, Morel, Ras, Wiersma, Werleman, Petrochi, Dijkhoff, Felicia, Henriquez, Peña, Gonzales, Pannefle, Vrolijk, Erasmus, Baarh, Lacle, Pak, Martijn, Lampe, de Cuba, Angela, Chong, Consales, Wever, Kelly.

Ta invita pa **acto di despedida** cual lo tuma lugar **diabierna 7 di februari 2025** na Aurora Funeral Home di **7or pa 9or di anochi.** **Cremacion** lo tuma lugar despues.

Si en caso den nos tristeza nos por a lubida algun persona of famia,nos ta pidi nos mas sincero disculpa.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde eta ponemi sosega.
E ta hibami na awa trankil,
pa mi bolde haña forsa.”
Salmo: 23

Cu inmenso tristeza na nos curason, pero conforme cu
boluntad di Dios nos ta anuncia fayecimento di:



Walfrida Jacintha Maria Werleman-Tromp

Mihor conoci como: Frida

★03 December 1963 - †02 Febuari 2025

Na number di su:

Casa:

Eloisito (Ely) Werleman

Yiunan:

Sheena Werleman y famia
Shannon Werleman

Nieto(a) nan:

Sennah Raap
Shayan Raap

Manera nieto(a) nan:

Richeline Tromp
Jermaine Tromp
Kaylee-ann Tromp

Mayornan:

†Stefan Tromp
†Catharina Tromp-Simileer

Suegro(a):

Pedro Werleman
Pascualita Werleman-Franken

Ruman:

† Willem (Weis)
Beatrix (Bea) y yiu
Casiano (Tan) y Filomena (Mena) y yiunan
Juan (Juancho) y Jacintha y yiunan
Clea (Tanchi) y † yiu
Thomas (Mommy) y Francisca (Alicia) y yiunan
Francisca (Chica) y yiunan
Maria (Mely) y Leopoldo (Leo) y yiunan
Frido (Fido) y Glenda y yiunan
Jossy y yiunan
Anna y yiunan

Swa:

† Ronald (Ronny) Werleman

Padrino:

Angel Rojer y famia

Amiganan (Chamas):

Saskia Croeze-Cornelie y famia
Marline Gumbs-Pieters y famia
Lisette Perez-Brete y famia

Tantanen y Omonan

Primonan y Primanan

Ihanan, comernan y compernan

Bisinjanan, amigonan y amiganan

Coleganan di Dienst inspectie van het onderwijs y demas
familiar nan y conocir nan.

Nos disculpa cu si den momento di nos tristeza nos lo
por a lubida un famia of conoci.

Defunto ta desea pa bin na color alegre.

Acto di entiero lo tuma lugar **Diabierna 07 di Februari
2025** na Misa Sta. Anna na Noord di **9:30 di mainta pa
11:30 di mainta** y despues lo sali bai pa Santana Catolico
di Noord.

Aurora

Royal Pray

Funeral Home & Crematory

No corda riba mi cu tristeza, No corda riba mi cu lagrima.
Corda riba mi cu sonrisa y harimento. (Author J.M.)

Cu inmenso tristeza na nos curason nos ta participa
fayecimento di nos Esposa, Mama, Wela stima:



Bernadeta L. M. Maduro Tromp

Cariñosamente yama : "Deta, Chideta & Mama Deta"

★18 Jul 1952-†31 Jan 2025

Na number di su:

Esposo: Esteban "Banban" Maduro.

Yiunan:

Joanne Maduro & Lionel Stacie
Josette "Josie " Maduro & Alejandro Rua
Jonathan " Buchi " Maduro & EriLu Arcaya

Andre Da Silva (Na Hulanda)

Su nietonan cu e la stima hopi:

Christian Boekhoudt & Daniela Rodriquez
Josthan Maduro & Ines Ortegana
Jeevan Maduro
Erian Maduro

Rumannan:

Rudolf " Rudi " Tromp na Hulanda
Sharmila " Lila " Tromp
Alida " Dachi "& David " Tachi " Franken

Subrinonan:

Aaron Franken

Jonathan Tromp & famia

Jeffrey de Cuba

Alexander Da Silva & famia

Mama di su prome nieto: Daisy Boekhoudt

Swa & Cuñanan:

† Fidelia “ Betty “ Maduro & famia
† Lorenzo "Encho " Maduro & famia
Flora " Mina " Maduro & famia
Maria Croes - Maduro & famia
Lucia Maduro & famia
Isidora " Dora " Krozendijk Maduro & famia
Inocencio "Ino " Maduro & famia
Rita Maduro & famia
Julian Maduro & famia

Primo, Primanan & famia, Ihanan, Comper & Comernan
Su amigonan di " Paga Bo Luz Bar "& bon bisinianan
Ex Coleganan di Brenchie's & Cheng's, Manton Lottery
Y tur Cu e la stima manera un yiu.

Demas famia: Tromp, Maduro, Stacie, Rua, Arcaya,
Boekhoudt, Rodriquez. Ortegana, Franken, Da Silva, Rafaël,
De Freitas, Gavidia, Baarh, Dijkhoff, Bernadina. Ridderstaat,
Gomez, Vrolijk, Martinez. Seegers, Geerman. Van Dalen.
Jacobs, Quandus, Hart, Croes, Kelly, Christaans, Lampe,
Henriquez. Flanegin, Lopez, Werleman, Diaz, Orman,
Rosel, Velasquez, Giel, Wolft, Farro, Martis, Koolman, Frank,
Williams, Zievinger, Feliciana, Colina, Wilems, Petronia. Van
der Biezen, Morris, De Cuba, Krozendijk, Carrasquero,
Marin, Schoop, Serje, Lodowica, Van Rooijen, Maria, Vielma.

Na lugar di flor of krans lo aprecia un donacion pa un bon
causa, lo fin un box disponible.

Nos disculpa cu si den momento di nos tristeza nos lo por a
lubida un famia of conoci.

Condolencia lo tuma lugar na Aurora Funeral Home
Diahuebs 06 di Februari 2025 di 7or pm pa 9or pm.

Acto di entiero lo tuma lugar **Diabierna 07 di Februari
2025** na Misa Sta. Anna na Noord di **2or di atardi pa 4or di
atardi** y despues lo sali bai pa santana catolico na Noord.

Nos ta lamenta cu despues di entiero nos no ta ricibi bishita
di condolencia na cas.

Aurora

Royal Pray

Funeral Home & Crematory

“Señor ta mi wardador,
mi’n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23



nos ta anuncia fayecimento
di:

Lucia O. Dirksen

★13-12-1947 - †22-01-2025

Na number di su:

Rumannan:

Vdo Emiliano (Emi) Dirksen y yiunan
Escolastico (Tico) Dirksen
Sixto Dirksen
Gisela Dirksen y Milo Werleman

Sobрино - Sobrina-nan:

Rolando Dirksen
Evelina y Egbert Brete Dirksen y yiunan
Johnny Dirksen y Carol Dijkhoff y yiunan
Renald y Mary Dirksen y yiunan
Raul y Janine Dirksen y yiunan
Raymond y Alexandra Dirksen y yiunan
Randy Dirksen y Clarisa
Jane y Roberto Geerman Dirksen y yiunan
Leo Kelly y yiu
Angel Kelly y Dilenia y yiunan
Bernadette Ellis

Manera Sobрино: Freddy Rina

Sobre Sobрино (a) nan:

Eduard y Wency Brete y yiu
Ederick y Brillitte Brete y yiunan
Egbert y Jetzee y yiu
John y Sharlin Dirksen
Jean- Lyne y Jaimy-Lyne Dirksen
Mayron Dirksen na Hulanda
Rose-Anne Dirksen y yiu
Jessica Dirksen y yiu
Daniel Geerman na Hulanda
Susan Geerman y Norwin y yiunan
Stephany Geerman y Angelo y yiunan
Denilson Geerman
Devyne Geerman na Hulanda
Leandra Kelly
Luis Kelly

Sobre Sobrina: Arzulaine y Shantal Arzuza Avita

Ihanan: Raul Dirksen, Randy Dirksen, Jesenia Caranza

Personan Stima:

Zeraida y Gregory y Maduro – Romero

Amigo - Amiga – nan Rendy y Jesseliene Ras, Shirley
Rijna, Margo Bislip, Vera Bislip, Mimi y Frederick Croes
y yiu, Sharin Noguera, Milo y Sobeja Ras

Primo y Prima nan Comer y Comper nan y demas
famianan
Ex coleganan di KVK y Amistad Take Away

ta invita tur bisiñanan, amigo(a)nan y conocir nan pa
asisti na e **acto di entiero** cual lo tuma luga **Diasabra 08
di februari 2025** saliendo for di **papilon 113** despues pa
santana Catholico Santa maria na Santa Cruz. E Restonan
di **Lucia lo ta Reposar for di 12 or di merdia pa 3:00
pm na papilon # 113**

Adres pa Condolencia: Papilon113

Disculpa nos si den nos momento di tristeza nos por a
lubida algun miembro di famia

Aurora

Royal Pray

Funeral Home & Crematory

"Señor ta mi wardado, mi'n tin falta di nada
Den cunucu di yerba berde e ta pone mi sosega.
E ta hiba mi na awa trankil, Pa mi bolbe haya forsa'.
Salmo: 23

Cu inmenso dolor y tristeza na nos curason, nos ta anuncia fayecimento di:



Mr. Rolando Facundo Bernadina

Miho conoci como "Ronny of Dientje"
* 27 November 1950 - † 31 Januari 2025

Na number di su:

Querida esposa: Rubia Bernadina-Maat

Yiunan:

Rubinah Bernadina
Ronique Bernadina
Rodney Bernadina & Daniela Santoro

Nieto(a)nan:

Clayton Romero, Tristen Romero, Dyllan Romero, Indy Bernadina

Rumannan:

Wilfrido & †Rica Bernadina-Gomez y famia
Alwin & †Marina Bernadina-Peña y famia
Jesus (Chupi) & Lena Bernadina-Gomez y famia
Gladys & Dolf Maduro-Bernadina y famia
Mirlanda Bernadina & Victor Valdez y famia

Su subrino & subrinanan y nan famia: Lynell Bernadina, Lynette Bernadina, Shirley Bernadina, Judella Bernadina, Haimé Bernadina, Isahaira Bernadina, Viveca Bernadina, Mylène Bernadina, Danny Maduro, Kathleen Maduro, Daisy Tromp, Armand Kelly

Su prima: Vda Evelina Levenston - Bernadina y famia

Su acto primo y acto primanan

Sua & cuñanan:

†Edwin & †Laura Maat-Figueroa y famia
Ingrid & †Henri Lourens-Maat y famia
Sylvia & Frank Eduardo-Maat y famia
Rudy & Astrid Maat-Boom y famia
Myrtha & Henky Stomp-Maat y famia
Tico Maat & famia
Carlos Maat y famia
Norberto & Nicole Maat-Torré y famia

Su ihanan:

Toeke Marlin, Danny Maduro, Inaira Feliciano, Joelle Kelly, Mylène Bernadina, Jerred Lugo

Su amigonan: Nico & Trudy Waterschoot y famia, Sietske & Peter Diepeveen y famia, Niels & Celine Waterschoot, Ronny & Solange Thode y famia, Crispin & Maureen Romero-Hatt y famia, Ale & Myriam Vrolijk y famia, Francis & Yolanda Arends, Chepito Kelly & famia, Ko Fung & Maroushka Ho y famia, I. Josepha (Sto Domingo), Juancho Werleman, Susy Nadal, Cuchie Thielman y famia, Dafnis & Astrid Fransisca y famia, Maria Fingal y famia, Tere Urre y famia

Su bisiñanan di Julianastraat y Paradera, S.V. Mercurius, Atletico Aruba, AVB, Orlando Family

Un danki special na:

Korps Politie Aruba, Grupo 30 di Mei 1969, Grupo di Pensionado Aruba, Dr. Horacio Oduber Hospital Afdeling B4 & security, Zuster Verdall, Zulayka Croes ("Dokter Croes"), Sylvia van der Biezen, Broeder Lopez, Anouska Wever, Dokter Lacle / Dokter Fingal / Dokter Kolf / Dokter De Lanoy y oficina, Melony de Mey, personal di Botica Kibrahacha, Love & Care (Edith v.d. Biezen), personal di Hospice

Demas famia:

Bernadina, Maat, Romero, Santoro, Gomez, Peña, Maduro, Valdez, Rincones, Lourens, Eduardo, Stomp, Torré, De Mey, Piña, Coffie, Lugo, Martijn, Rincones (Ven), Mendez, Bejerano. Y demas famianan na Corsou, Hulanda, Estados Unidos y Venezuela.

Nos disculpa si den nos tristesa nos por a lubida un persona.

Condolencia lo tuma luga dialuna **10 di februari 2025 di 7:00 pm pa 9:00 pm** na Aurora Funeral Home.

Acto di despedida lo tuma luga diamars **11 di Februari 2025 di 2:00 pm pa 4:00 pm** na Pro Catedral San Francisco na Oranjestad.
Despues di despedia e acto di cremacion lo tuma luga den ceno familiar.

Ta pidi pa, en bes di flor, por haci un contribucion na e box disponibel na beneficio di Hospice.

Aurora

Royal Pray

Funeral Home & Crematory

Cu honda pena, pero conforme cu decision di Dios, nos ta anuncia fayecimento inespera di nos casa, tata, suegro, welo, omo, y amigo stima...



Virgilio Pascual Lacle

Mihor conoci como 'Milo'

Naci: 24 December 1937 • Fayece: 3 Februari 2025

Na number di su casa:

Alejandrina (Ali) Lacle-Tromp

Di su yiunan:

Nilton Lacle y yiu.
Andy, Marien Lacle-Diaz Rios y yiu

Di su nietonan stima:

Mitchell Lacle.
Jake Lacle.

Na memoria:

Milo awor ta acudi cerca su rumannan kendenan a bay prome cune, esta Ovid Lacle, Dufi Lacle, Chai Lacle, Sildo Lacle, Etta Theysen-Lacle, Chichi Lacle, Eddy Lacle, Pina Lindeborg-Lacle, Efe Lacle, Sita Croes-Lacle, y Annie Lacle.

Na number di su cuñanan:

Bertha Fingal y yiu, Magdalena Tromp y yiunan, Lita Tromp y yiu, Livia Vrolijk y yiunan.

Cu hopi cariño: Na number di sobriño- y sobrinanan hopi costumbra, Jeanette Bruin-Lacle, Shuliska Rosaria (mama di su nieto), Sharine Vrolijk, Alfred Lindeborg, Helene Wong-Croes, Lientje Lacle, Dr. Gregory Lacle, Yvette Lacle, Franklin Lacle, Renny Lacle, Chichita Lacle.

Bisiña- y bon amigonan di cas:

Jane Oduber, Calvin Tromp y famia, Deka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia.

Tur su ex-coleganan: Di Lago Oil & Transport, Ltd., Exxon Mobil Baytown Olefins Plant, Coastal Aruba Refinery, Valero Refinery Powerhouse unit, ex-colega y hungadornan di Sport Club Aruba na Paradera. Demas famia Lacle, Tromp, Diaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray, Leo.

TA INVITA pa oportunidad pa condoleer riba Diamars, 11 Februari 2025 na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma luga **Diaranson, 12 Februari 2025** na Royal Funeral Home na Cumana, for di **2:00 pm te cu 4:00 pm**. Despues di respons lo sigui pa entiero na Santana Catolico di Paradera.

Envez di flor of krans, ta bay sigui yuda Milo kende semper a stima y haci donacion casi henter su bida na e hobennan dinamico di YMCA San Nicolas. Lo tin un box disponibel pa haci e donacion.

Despues di entiero, no ta acepta bishita di condolencia na cas.

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo
aki, tur dia lo mi ta banda
di boso Curazon, mi por stens
di loke Señor ta hasi"
Salmo 33

Cu dolor na nos curason,
pero conforme cu Boluntad
di Señor, nos ta participa
fayecimento di:



Sra. Ivonne Magarita Quandus

Cariñosamente yama "Vonchi"

*22-02-1954 - †04-02-2025

Acto di despedida lo wordo anuncia despues

Aurora

Royal Pray

Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altisimo, ta hospedá den sombra di Dios Omnipotente, bisa Señor: "Mi refugio, mi forti, mi Dios, den kende mi ta pone mi konfiansa"
Salmo 91:1-2

Cu dolor na nos curason, nos ta participa fayecimento di nos ser stima:



Humphrey S. Hewitt

Cariñosamente yama "Piet"

*28-10-1949 - †31-01-2025

Acto di dedpedida lo wordo anuncia despues

Aurora

Royal Pray

Funeral Home & Crematory

Drenta su portanan cu gradicimento,
drenta su tempel cu cantica di
alabansa,
glorific'e, bendiciona su Nomber.
Salmo 100:4

Cu dolor na nos curason, nos ta
participa fayecimento di:



dr. Rudolf M.M. Jessurun

"Rudy"


*25-04-1934 - † 28-01-2025

Acto di entiero lo wordo anuncia despues

Rose Weekend

7
&
8
FEB

VALUE YOU'LL LOVE
AT AMC UNICON



Shop and
receive your
**ROSE
VOUCHER**

MONTHLY 63

SAMSUNG
SAMSUNG CHROME 4-11.5"
HD-INTEL CELERON N4000
• XE310XBA-K01US
~~WAS-1159~~
NOW 299

MONTHLY 63

Lenovo
LAPTOP COMPUTER
15.1"-CHROMEBOOK
DUET-64GB -WKEYBOARD
• CT-X536F
~~WAS-1159~~
NOW 299

MONTHLY 104

Serta
SERTA DESIRE
EXTRA FIRM MATTRESS QUEEN (2327)
• BMT331
~~WAS-1319~~
NOW 999

MONTHLY 145

~~WAS-1695~~
NOW 1499
Whirlpool
WASHER -TOPLOAD
17 KG- WHITE
• 1CWTW4815EW

Buy 1 sunglass
and get the other one
FREE
at Optica Unicon

MONTHLY 142

~~WAS-1719~~
NOW 1399
TCL
REFRIGERATOR TM-333
L-11.8 CU. FT.-2 DOORS
LED LIGHT - INOX
• P333TMS

MONTHLY 171

~~WAS-2029~~
NOW 1699
Whirlpool
REFRI TOPMOUNT-
3 CU. FT.-GRIS
• WT1333K

MONTHLY 398

~~WAS-4699~~
NOW 3799
AKT
MOTORCYCLE ALL TERRAIN 250CC ROJO
MULTICOLOR(S411C2)
• AKTAK200TTFROJO



f i c
AMC EAGLE MEGASTORE 569-2407
AMC SAN NICOLAAS 568-9070

HORARIO: 9AM - 6PM
DIALUNA PA DIASABRA